

24 XIII 300675

Ampl. at K.
m 12 9.0000

~~(Ampl. at K.)~~

8° 45.0' 1

(Ampl. at K.)
m 12 9.0000

m. 11.902

5

PRAXIS
EXERCITIORVM
SPIRITVALIVM

P. N.

S. IGNATII.

AVCTORE

*P. Sebastiano Izquierdo Alcarazense
Societatis IESV.*



ROMÆ, Typis Ioannis Francisci Buagni . 1695

SVPERIORVM PERMISSV.



Docente magistra. Religionis R. Th.

3

MONITA QVÆDAM

circa hæc Exercitia.

Nomine Exercitiorum Spiritualium complexus est S. Ignatius omnem rationem examinandi conscieutiam, meditandi, contemplandi, orandique mentaliter, & vocaliter, & alias spirituales operationes, quibus anima sese exercet, vt ab omnibus suis spiritualibus morbis, idest, inordinatis affectionibus liberetur, agilisque subinde reddatur, & expedita ad rectâ, tutòque currendum in suum vltimum finem. Qui consistit in seruiendo, honorando, & glorificando Creatorem suum, ipsiusque in omnibus voluntatem adimplendo in præsentè vita, & per merita bonorum operum eodem in altera absque vllò fine fruendo.

Ad hæc omnia consequenda, quanta sit excellentia Exercitiorum S. Ignatij, constat primò. Quia medium sunt inspiratum à Deo homini litterarum rudi sub ipsum suæ conuersionis initium, quando, dum Manresæ pœnitentiam ageret, eximijs eum illustrationibus supernaturalibus in Magistrum, & Ducem tot animarum, ipse Deus formare cæpit. Constat secundò ab experientia. Medijs si quidem his exercitijs S. Pater primos suos Socios Deo lucratus est. Societatem Iesu fundauit; & toto Terrarum Orbe propagauit. Eisdemque medijs vbique

innumerabiles, mirabilesque conuerſiones, ac mutationes vitæ in omni hominum genere ſunt effectæ, hodieque paſſim efficiuntur. Quin vltus vnquam ſit repertus, quem ijs ſeſe excoluiſſe pœnituerit. Conſtat tertio ab æſtimatione, quam eorum habebat S. Pater. Qui, cum M. Mionam ſuum olim confeſſarium Pariſijs degentem litteris datis Venetijs 16. Nouembris 1536. ad obeunda illa hortaretur, ſubinngit. *Tum ſi te facti pœnituerit, præterquamquod pœnam à te mihi imponendam nullam reſuſo, putato me irriſorem perſonarum ſpiritualium. Et paucis interiectis. Semel, & iterum, & tertio, & quoties valeo, ob Dei obſequium idem ipſum eſſagito: ne ad extremum Diuina Maieſtas requirat ex me, quòd non à te totis meis viribus poſtulauerim, Cum ſit illud optimum, quod ego in hac vita poſſum cogitare, ſentire, & intelligere, tum vt homo ſibi ipſi proficere, tum vt in alijs multis fructificare, eiſque prodeſſe poſſit.*

Hæc porro Exercitia S. Pater in quatuor hebdomadas diuiſit. In quibus mirà arte, & ordine eum, qui ſe exercet, per quosdam gradus à principio conuerſionis ad faſtigium uſque perfectionis perducit. Reſpondentque illæ tribus vijs, Purgatiuæ, illuminatiuæ, & Vnitiuæ, per quas totum iter ſpirituale Theologi myſtici partiuntur. Quare in illis integrè peragendis triginta dies expendi ſolent. Verùm, quia paucis id integrum eſt, vniuerſam quatuor illarum

rum hebdomadarum substantiam ira ad spatium vnus hebdomadæ octo dierum reducimus, vt quisquis ijs serio se tradiderit, ex hac vnâ omnem quatuor illarum fructum percipere possit.

In vsu horum Exercitiorum duæ personæ solent interuenire. Vna est is, qui Exercitia agit, altera est Pater spiritualis, seu Instructor, qui ea ipsi quotidie tradit, siue exponit. Vt plurimumque sit hoc intra cubiculum alicuius Collegij, aut Domus nostræ Societatis, vbi, qui agit Exercitia per octo dies manet inclusus. Quoniam verò hac ratione pauci illa agere possunt, pauci absolute agunt illa, & eorum fructum participant. Vtinamque omnes vbique Christiani quotannis semel agerent; vti agimus in Societate nos Religiosi. Aliam profectò faciem Mundus haberet. Propterea, vt omnibus viris, & fœminis cuiusuis status, & conditionis horum Exercitiorum vsum facilem reddam, omnibus ego trado libellum hunc, qui loco Instructoris eis esse possit. Omnibusque pariter consulo, vt eo ducti semel quotannis huiusmodi faciendis Exercitijs se dedant; si & pie viuere, & suam æternam salutem obtinere desiderant. Ad quod præstandum vnusquisque sequentia documenta obseruabit.

Primum. Ab omnibus omnino negotijs per octo dies sese expediat, vt in suæ animæ summo, & vnicè necessario negotio totam suam

attentionem possit impendere . Deinde in aliquo suæ domus cubiculo ad rem opportuno includatur: ex quo per totos octo dies non exeat, nisi ad res præcisè necessarias : cum nemineque , præterquam cum Deo , commercium vltimum habeat . Præterea quaternas quotidie horas orationi mentali (quæ præcipuum est Exercitium) dare debet , eà videlicet ratione , quam mox præscribemus : cuius materiam præbebit Exercitium vnicuique diei respondens iuxta ordinem quo scripta sunt . Reliquas autem horas diei expendet iuxta sequentem distributionem .

Si surgat è lecto hora 6. matutina , à 6. cum dimidia vsque ad 7: cum dimidia primam horam orationis aget . Inde vsque ad 8. examinabit eam , & leget in aliquo pio libro . Ab 8. vsque ad 9. audiet Missam (si commodè potest) & recitabit Horas minores Officij maioris, vel parui S. Mariæ D.N. aut eius Coronam , vel Rosarium . A 9. vsque ad 10. leget in libro spirituali , & præparabit se ad orationem . A 10. vsque ad 11. aget Orationem . Indequè vsque ad prandium examinabit illam , & faciet examen conscientia . Post prandium , & quietem vsque ad 3. recitabit Vesperas , vel Coronam , & leget historiam Vitæ alicuius Sancti , & præparabit se ad orationem . A 3. vsque ad 4. aget orationem . A 4. vsque ad 5. examinabit illam , & recitabit Matutinum cum Laudibus, aut vnam

Co-

Coronam. A 5. vsque ad 6. leget in libro spiri-
tuali, & præparabit se ad orationem. A 6.
vsque ad 7. aget orationem. Et inde vsque ad
Cœnam recitabit vnâ Coronam, & leget in
aliquo pio libro. Postea, antequam eat cubitum,
præparabit se ad orationem diei sequentis, & fa-
ciet examen conscientiæ. Atque hæc, vel paulò
diuersa erit quotidie distributio temporis.

Verùm ad experiendum plenè summam
horum Exercitiorum vim, præter dicta, sequen-
tia quoque sunt necessaria. 1. Facere illa cum
tota mentis applicatione, cum omnibusque, quas
ipsa postulant, circumstantijs. Medicamentum
quippe aut non applicatum, aut non cum cir-
cumsistantijs præscriptis à Medico applicatum,
eam vim, qua cæteroqui pollet, non exerit. 2.
Aggredi illa cum totali resignatione in volun-
tate Dei, vt ipse pro beneplacito suo in sua
creatura operetur. 3. Instructori, si adsit, vel alicui
Confessario eligendo plenè obedire, & omnes
animi motus integrè patefacere. 4. Distributio-
nem temporis exactè seruare. Id enim Exercitijs
ritè obeundis apprimè conducit. 5. Cogitatio-
nes lætas excutere: omninoque se continere
intra cubiculum cum eâ dumtaxat luce, quæ
fuerit necessaria, quando est legendum: extra
illud vero, si quando exeundum, totalis silentij,
ac modestiæ curam habere. 6. Castigationem
aliquam corporis cum approbatione Instructo-
ris, vel Confessarij adijcere.

*DOCUMENTA CIRCA ORATIONEM
mentalem, siue Meditationem.*

Oratio mentalis, siue Meditatio aliud non est, quàm aliquod dictum, vel factum reuocare in memoriam: & circa illud cum intellectu ratiocinari, ponderando substantiam, accidentia, & circumstantias eius, aliudque ex alio concludendo: sicque mouere voluntatem ad sana consilia, probos affectus, & sancta proposita concipienda, in quo stat fructus orationis.

Antequam quis ad orationem accedat, puncta in illà meditanda debet præparare, & secum in memoria ferre. Quod faciet præsertim quando cubitum it; vt sub illorum cogitatione, & horæ, qua surrecturus est, obdormiscens, statim ac mane expergiscitur, facilius possit, vti debet, cæteris obiectis exclusis, illa in memoriam reuocare.

Duobus circiter passibus ante locum, vbi est orandum, animum sursum eleuet, consideretque habere se præsentem, ac spectatorem Deum, qui benigne ipsum, & magno salutis ipsius studio velit audire. Expendat, cum rerum omnium Domino, ac de rebus summi momenti, quales sunt spectantes ad suam æternam salutem, se loquuturum. Tum propius accedens in genua procumbat, eique summam, quam possit reuerentiam, & adorationem exhibeat. Hæc omnia breuiter expedienda sunt.

Situs

Situs corporis vt plurimum flexis genibus erit. Quòd si tamen plus attentionis, aut deuotionis percipiat pronus in terram, vel stans, ita faciat. Et si aliud non permittat infirmitas corporis, petita à Domino venia, sedere poterit.

Mox præmittet Orationem præparatoriam, qua petat à Deo gratiam, vt ad maiorem ipsius gloriam, & animæ suæ profectum eam horam impendat.

Deinde ad maiorem attentionem orationis, ad continendamque Phantasiam, eamque quando aliò diuertitur, colligendam. Compositionem loci faciet, hoc est, imaginem aliquam corpoream eorum, quæ meditaturus est, sibi effinget, repræsentantem res, personas, locum, & alias circumstantias, prout postulauerit materia meditationis.

Tum sequetur Petitio, qua petet à Deo lumen, & gratiam ad colligendum ex ea oratione fructum ipsius materiæ consentaneum, qualis erit talis, aut talis virtus, talis ve, aut talis sensus amoris, doloris, timoris, &c.

Post hæc proponet sibi vnum ex punctis, quæ preparata fert, & circa illud ratiocinabitur, ponderans cuncta, quæ ad ipsum pertinent; suamque ratiocinationem, atq; ponderationem diriget ad excitandam, ac permouendam voluntatem, vt affectus probos eliciat; qui est orationis finis; in quo tota substantia eius, fructusq; consistit; non in cogitationum, discursuumue

sub-

subtilitatibus. Debet autem in vnoquoque puncto quiescere, quin transeat ad aliud, quandiu specialis aliqua lux, vel gustus, vel sensus spiritualis, quem percipit ex illo, duraverit; aut certe donec ex illo plenè sibi sit satisfactum. Quemadmodum, cui sapit alicuius ferculi cibus, donec ex illo sibi est satisfactum, non remouet, vt sumat aliud ferculum.

In fine demum Orationis fit Colloquium. (licet etiam in principio, & in medio, & quoties quis se ad illud motum senserit, fieri possit.) Quod Colloquium aliud non est, quàm familiariter loqui cum Christo Domino, cum Deipara, vel cum SS. Trinitate, aut aliqua ex Diuinis Personis. Idque varias interim sibi personas aptando; seu creaturæ cum Creatore; seu serui cum Domino; filij cum Patre, discipuli cum Magistro, ægroti cum Medico, amici cum Amico, mendici cum Diuite colloquentis: atq; seu consilium in dubijs, seu auxilium in necessitatibus implorantis; & ex parte quidem Dei bonitatem ipsius infinitam, & merita Christi; ex sua verò periculum, in quo versatur, necessitatem, & miseriam, qua premitur obtendentis. Aduertat autem tum vel maximè, vtpote loquentem immediatè cum Deo, cum singulari reuerentià debere se gerere. Huic Colloquio plerumque finem imponet oratio aliqua vocalis: puta, si cum Beata Virgine habitum est, *Aue Maria, &c.* si cum Sanctissima Trinitate, *Pater noster, &c.* si cum

si cum Christo Domino . *Anima Christi, &c.*

Finite Oratione, examinabit, quomodò ea sibi successerit . Si benè , reddet gratias Deo. Si malè , causam disquiret . Quam si repererit sibi culpabilem , vel quia negligenter se gesserit , vel quia documenta tradita non obseruauerit , cum dolore de facto proponat emendationem in posterum . Aduertet item bona desideria , & proposita à se concepta , memoriæque commendabit , vt suo tempore exequatur .

Hic est modus orationis mentalis , quem tradit S. Ignatius in suis Exercitijs, facilis, securus, & omnibus omnino communis, siue sapientibus, siue ignorantibus, siue benè intelligentibus, siue rudioribus . Consistit enim in eo, quòd utamur nostris potentijs naturalibus in rebus spectantibus ad nostram spiritualem salutem, & perfectionem , quemadmodum utimur illis in rebus spectantibus ad cætera quæque negotia humana. Nimirum memoria utimur proponendo rem, seu materiam ; de qua est agendum . Intellectu utimur, discurrendo , seu ratiocinando circa illam eo fine, vt moueamus voluntatem , seu nostram, seu alienam ad id , quod intendimus . Voluntate denique utimur, eos affectus exequendo, qui materiæ, de qua agitur consentanei , atque proportionati sunt .



Considerād.º e finis, & s̄m̄ sinem dirigend.º ē curs.º Cal. Col. 17

13

EXERCITIVM I.

De Principio, & Fundamento.

Hoc Exercitium, seu Meditatio, siue potius materia eius, Principium, & Fundamentum appellatur. Principium quidem. Quia in negotijs humanis à fine tanquam à primo mouente procedunt omnes operationes: & hìc proponitur considerandus vltimus finis hominis. Fundamentum autem. Quia vitæ rationalis, Christianæ, & perfectæ, totiusque eius spiritua-
lis ædificij reuera fundamentum est.

Suppositis igitur documentis datis circa Orationem mentalem. Oratio præparatoria erit, quam ibi indicauimus; & quæ in omnibus Exercitijs semper est eadem. Compositio loci erit. Considerare omnes creaturas tanquam quosdam riuiolos exeuntes ex Deo veluti ex mari immenso, vt redeant ad ipsum veluti ad suum finem, & centrum; meque vt vnam ex illis. Petitio autem. Postulare à Deo intensum lumen ad cognoscendam magnitudinem, atque excellentiam finis, ad quem creatus sum, ad eligendaque media quibus sum illum consequuturus; firmumque, & efficax propositum talia media exequendi, cæteris omnibus quibusque rebus omnino postpositis, ac spretis.

Primum punctum. Creauit me Deus, eduxitque ex nihili abyssu pro sola sua bonitate,

re-

relinquens in illo alios homines infinitos possibiles, quos si creasset, seruijssent ipsi meliùs, quàm ego. Deditque mihi *Esse*, non quaecumque, sed intellectuale, rationale, spirituale, paulò minus, quàm Angeli; faciens me ad similitudinem suam, & capacem sui. Finis autem, ad quem me creauit, fuit, vt in hac vita debitum ei famulatum, cultum, & honorem semper deferrem, omnes meas, ab ipsoque acceptas facultates naturales, ac supernaturales in eo penitus impendendo. Et vt per merita meorum operum æternam Beatitudinem, qua fruitur ipse, obtinerem.

Ponderabo primò. Quanta teneor obligatione ad impendendum totum, quod sum, & totum, quod operari possum, in obsequium mei Creatoris: quæ obligatio tam intrinseca mihi est, vt in mea ipsà essentià imbibita sit. Si enim, qui plantat vineam, ius habet ad colligendum fructus eius; & qui ædificat domum, ius habet ad habitandum in eà; & qui emit mancipium omnium actionum eius dominus est: quale ius, quale dominium habebit Deus mei, & mearum titulo Creatoris, Conseruatoris, & Cooperatoris, à quo non minùs, quàm essentialiter cuncta dependent? Vnde sequitur, omnem actionem humanam Diuinæ voluntati aduersantem manifestam esse iniustitiam contra dominium Dei.

Ponderabo secundò. Quanta sit altitudo huius mei vltimi finis: quo excellentiorem nullatenus habere potui. Natus enim sum, non

vt

vt seruiam Regibus, Imperatoribus ve terrenis, aut Angelis cælestibus; sed vt seruiam summo Regi, ac Domino omniũ. Natus sum non vt fruar huius Mundi caducis, ac perituris bonis, honoribus, diuitijs, delitijs, sed vt fruar illo summo, & æterno Bono, in quo sunt omnia simul. Natus sum, vt sim Beatus eadem Beatitudine, qua est Beatus ipse Deus. Discurram per illud Pelagus immensum Diuinarum Perfectionum, *Esse* sine principio; Bonitatem, & Pulchritudinem infinitam; Sapientiam, in cuius conspectu sunt omnia; Omnipotentiam, quæ cuncta fecit ex nihilo; & sine labore conseruat; Immensitatem, quæ totum replet; Iustitiam, Misericordiam; Benignitatem; Liberalitatem, &c. Vt aliquem tandem conceptum faciam infinitudinis illius Boni, ad cuius amabilissimam possessionem creatus sum.

Ponderabo tertio. Quanti momenti sit consecutio mei vltimi finis. Si enim consecutio Regni temporalis tanti momenti reputatur, vt propter illam tot thesauri, & tot vitæ hominum exponantur, & expendantur; totque impendantur curæ, vigilæ, sollicitudines, & diligentia. Consecutio Regni æterni quanti momenti censeretur? & quot expensas propter illam debemus facere; quot curas, quot sollicitudines, quot labores subire? Maximè, quod si illud amittimus, non tantum manemus sine illo, vti euenit in amissione Regni temporalis, sed necessario incidimus in extremum tam horribile, quàm

quàm est Infernus cum omnibus suis æternis pœnis.

Ponderabo quartò . Quàm sit tremenda contingentia , in qua viuo , vel ascendendi ad Cœli gloriam æternam , vel cadendi in Inferni pœnam æternam . Cum iam sit necesse , vt altera ex his tam contrarijs sortibus eueniat mihi : & id sit dependens à libertate tam infirmà , tamq; impetitâ ab inimicis , qui me perdere satagunt . Expendam , quid mihi proderit, omnibus huius Mundi bonis per breue tempus vitæ potitum esse, si tandem prolabor in illum profundum abyssum æternorum malorum ? sicut è contra quid mihi oberit , omnibus malis pœnæ huius Mundi perpeßum esse , si comparo illis sublimem illam fœlicitatem æternorum bonorum ?

Respiciam attentè totam meam vitam præteritam . Planèque deprehendam, quàm multa, & magna errata commiserim circa mei vltimi finis consecutionem : quàm eius vixerim oblitus : quàm negligenter procurauerim : quàm obiter egerim de negotio tam principali , imo vnicè necessario , & summi momenti : quàm sæpè fuerim in periculo me perdendi in æternum . Ijsq; & alijs erratis bene perspectis, firmissimum, efficaxque concipiam propositum illa impostèrùm corrigendi .

Secundum punctum . Vniuersæ creaturæ à Deo , vt seruiant homini , facta sunt . Aliæ seruiunt , vt alatur : aliæ, vt vestiatur : aliæ vt curetur:

tur ; aliæ vt delectetur : vel ipsi Angeli sunt destinati ad custodiam eius . Gessit se Deus cum homine , sicut se gerit Pater cum Filio , cui misso in Academiam de cunctis necessarijs abundè prouidet ; non certè vt ludat , aut otietur , sed vt magis commodè incumbat studijs suis , qui est finis eius . Vel , sicut se gerit Rex cum seruo absente , quem volens sibi præsentem , ei prouidet de cunctis necessarijs ad iter ; non quidem , vt remoretur , aut aliò diuertat , sed vt commodius , citiusque ad Regis præsentiam accedat .

Ponderabo primò . Quantum Deus diligit hominem , cui tot contulit beneficia , quot sunt creaturæ . Et quàm gratum debet sese gerere homo erga tam prouidum , ac liberalem Benefactorem .

Ponderabo secundò . Quàm magna est dignitas hominis , cuius seruitio sunt destinatæ , & cuius dominio sunt subiectæ cæteræ creaturæ .

Ponderabo tertio . Quomodò cæteræ omnes creaturæ implent , semperque ab initio Mundi impleuerunt munera , ad quæ tanquam ad earum fines Deus creauit illas : Sol , & Luna illuminando : Stellæ influendo : Elementa cooperando : Mixta omnia operando , vnumquodque secundum suam naturam , & tempore suo . Solus homo ingratus , & insipiens vel eo maximè , quod est perfectior , vt pote rationalis , & liber , à suo fine præuaricatus est . O peruerfitas mea !

B

Quid

Quid propter illam mereor ?

Tertium punctum . Posito, quòd Deus cæ-
 teras res omnes creauit , vt , seruiendo homini ,
 ipsum iuuarent ad ipsius finem consequendum ,
 sequitur , eatenus debere hominem illis vti, qua-
 tenus se ad id iuuant ; & eatenus ab illis fugere ,
 quatenus se ad id impediunt , quærendo scilicet
 in eis solam vtilitatem ad suum vltimum finem
 absque alijs respectibus . Itaque, quemadmodum
 in medicamentis non attenditur , an sint dele-
 tabilia , aut molesta , sed tantum , an sint vtilia
 ad obtinendam valetudinem : & in vijs non at-
 tendimus , an sint planæ , vel salebrosæ , sed an
 ad terminum itineris nostri perducant : & arti-
 fex non attendit ad grauitatem , aut leuitatem
 instrumenti pro suo opere necessarij . Ita in di-
 uitijs, aut paupertate, in honore, aut ignominia,
 in valetudine, aut ægritudine, in delectatione,
 aut dolore , in omnibus demum euentibus siue
 prosperis siue aduersis, quibus in hac vita sumus
 obnoxij, vt eos amplectamur , vel reiiciamus, vt
 quæramusve , vel fugiamus, non est nobis atten-
 dendum ad eorum prosperitatem, aut aduersita-
 tem, dulcedinem, aut amaritudinem, suauitatem,
 aut iacerbitatem ; sed , præscindendo à cæteris
 omnibus , ad vtilitatem , quam habent respectu
 nostri ad nostri vltimi finis consecutionem .

Ponderabo. Quomodo ex defectu huius at-
 tentionis nascuntur omnes perturbationes , per-
 uersitates , atque peccata Mundi . Lites, dissen-
 siones,

fiones, bella, discordiæ, inquietudines, tristitiæ, timores, & cætera mala culpæ, & pœnæ, sub quibus totus hic Mundus gemit, inde nascuntur, quòd homines non vtuntur creaturis ad finem, propter quem Deus creauit illas. Quo fit, vt violenter illæ, præterque debitum ordinem actæ, dum proprio fine manent frustratæ, nec prosint ad extraneum. Clavis facta est ad aperiendam portam, cultellus ad scindendum panem; si quis, finibus permutatis, conetur cultello portam aperire, & clauis panem scindere, totum violentia erit, & nihil fiet.

Respiciam Vitam meam præteritam, ponderando mearum intentionum, & actionum peruersitatem. Qua solum quæsiui in creaturis, quod sapidum est, & delectabile, immemor penitus vtilitatis earum ad meum vltimum finem. Cum tamen solam hanc quærere deberem: quandoquidem non ad aliud viuo in hoc Mundo, quàm ad talem finem quærendum, & procurandum: & qui totus est in aliquo procurando fine, ad nihil aliud attendit præterquam ad vtilitatem mediorum.

Quartum punctum. Ex dictis sequitur: debere nos indifferentes constituere ad assumendas, vel relinquendas creaturas, seu quaslibet res huius Mundi, quatenus illæ consequutioni nostri vltimi finis, vel proderint, vel oberint. Sicut Viator in biuio positus indifferens redditur ad capiendam eam ex duabus viam, qualif-

cumque sit, quæ in terminum sui itineris tendit. Et ægrotus ad sumendum medicamentum, seu dulce sit, seu amarum, quo obtenturus est sanitatem. Et Artifex ad arripiendum instrumentum, quo ad suum opus eget, seu graue sit, seu leue.

Quòd si ægrotus, vt obtineat sanitatem incertam, conseruetque vitam transitoriam, plenè se tradit arbitrio Medici, nec legem vllam ei imponit circa medicamenta ab illo sibi præbenda, expositus ad assumenda quælibet, seu sapida sint, seu insipida. Quænam amentia est, propter salutem perpetuam, & vitam æternam animæ nostræ non tradere nos plenissimè arbitrio Medici Cælestialis cum omnimoda indifferentia, ad amplectenda quæcumque media ipse nobis quocumq; modo paternali suâ prouidentia prouiderit?

Hæc indifferentia ad amplectendas, vel reijciendas quaslibet res, prout inuerint, vel obstitierint ad consequendum vltimum finem, tanti momenti est, vt, qui eam habuerit, securus haud dubiè de illius consecutione poterit esse: quia nihil erit, per quod hæc possit ipsi impediri. Qui verò eam non habuerit, in periculo perdendi illum semper versabitur, propter multa impedimenta, quæ non possunt non ipsi occurrere in vitâ præsentî. Quocirca ad huiusmodi indifferentiam comparandam omnes fatagere debemus. Comparatur autem ab illis,

qui

qui ab omnibus rebus huius Mundi suos affectus remouent.

Hic iterum respiciam me cum magnâ vecundia, & pudore, videns, quantâ cum cœcitate vixerim, non aliam mearum actionum regulam habens, quàm meos inordinatos affectus. Dedit mihi Deus creaturas, vt me conducerent ad ipsum. Et ego in illis meam requiem quæsiui. Dedit, vt vterer eis tanquam medijs. Et ego in illis posui meum vltimum finem, diligens eas plùs, quàm Deum. Dedit, vt per illas tanquam per gradus quosdam in Cælum ascenderem. Et ego ex eis construxi scalam, vt descenderem in Infernum. Dedit, vt illæ mihi seruirent. Et ego me feci seruum earum. Dedit, vt illas sub pedibus ponerem. Et ego eas posui supra caput. Quæ abiectio est hæc? Quæ inordinatio? Quæ monstrositas vitæ? Qui abusus rerum? Quid meretur, qui ita vixit?

Colloquio finiam, petens à Deo misericordiam, & gratiam, vt tot, ac tanta errata corrigam, vtque proponens animo cum efficacità omnimodâ consequi meum vltimum finem, vtar creaturis præcisè, vt vtilibus ad consequendum ipsum absque alijs respectibus. Pater noster.

EXAMEN PARTICVLARE.



DE EXAMINE GENERALI

quotidiano Conscientiæ.

Hoc examen valde est comendatum, visita-
tumque à Sanctis Patribus, utpote me-
dium magni momenti ad purificandam ani-
mam, ad acquirendam perfectiōnem, & ad red-
dendam securam æternam salutem.

Purificatur anima cognoscendo internas
radices vitiorum, ut extirpentur; notando ex-
ternas occasiones casuum, ut caveantur; & pœ-
nitendo de peccatis, defectibusque commissis,
cum firmo emendationis proposito, ut imposte-
rum euitentur. Quæ omnia per Examen hoc
obtinenda veniunt. Quoniam radices internæ
vitiorum tunc nobis se detegunt, et extirpen-
tur, cum defectus, peccataque animaduerti-
mus, in quæ frequentius cadimus. Quod asse-
qui nequit qui non se examinat: quænam admo-
dum videre non potest, quæ intra domum suam
eueniunt, qui extra illam est. Occasiones ex-
ternæ notantur, ut caveantur, quando reflexè
conspicimus, nos in eis offendisse: sicut, qui of-
fendit in lapide, ad illum respiciendum se ver-
tit, ut iterum non offendant in illo. A qua au-
telà longè absunt, qui non se examinant, at he-
adeò neque cum reflexione attendunt ad ca-
sas, & occasiones suorum casuum. Quo fit, et
iterum, & sæpius in illis offendant, & cadan

Pœnitentia peccatorum, atque defectuum, fir-
mumque emendationis propositum excitantur
in hoc Examine per considerationem sceleris,
& malitiæ ipsorum defectuum, ac peccatorum,
multitudinisque malorum, quæ secum ferunt.

Perfectio acquiritur, mundando animam,
continuò ab immunditia vitiorum; euellendo
illa radicitus, ne iterum pullulent; plantando
virtutes contrarias; atque ita colendo illas, ut
quotidie robustiores, formosiores, perfectiores-
que euadant. Quod totum fit per hoc Examen.
Est quippe illud velut scopa, qua quotidie ani-
ma, quæ domus est Dei, verritur, ac mundatur.
Et velut instrumentum, quo in isto delictarum,
Dei horto quotidie extirpantur hærbæ noxiæ,
ferunturque & excoluntur, atque perficiuntur
proficiunt.

Æternadenique salus secunda redditur, con-
seruando semper in anima gratiam Dei; &, si
quandoque per summum infortunium fors per-
ditur, illum statim, & absque dilatione recupe-
rando. Quod fit per actum perfectæ contritio-
nis. Quæ una est huius Examinis, & principa-
lissima pars. Estque tam inestimabile bonum,
ut propter illud, esto alia deessent, deberet hoc
Examen quotidie bis, aut saltem semel in nocte
ante cubitum ab omnibus fieri. Ex defectu
enim huius diligentiae multi proculdubio dam-
nati sunt, capientes somnum cum peccato, &
in inferno expurgiscentes. Quis Christiano-
rum

rum habens fidem, sciensque, se in statu peccati esse, audet, non dico ego cubitum ire, sed ne per vnam quidem horam in eo manere, potens ab ipso statim per contritionem exire; sciensque insuper, posse se per subitanam mortem, vti contigit multis, in Infernum præcipitari? Quis sciens, esse intra domum suam latronem, & inimicum capitalem, reciperet se ad dormiendum incurius antequàm illos, cum posset, foras eijceret? Latro est peccatum mortale, cum quo adest inimicus Dæmon, non iam intra domum, sed intra animam eius, qui peccauit. Qui potest, si vult, per actum contritionis illos expellere, gratiamque, & amicitiam Dei amissam recuperare: extrema haud dubiè dementia, erit, id non præstare statim, & absque dilatione vlla.

Ad omnia dicta consequenda auxilia efficacia gratiæ Dei necessaria sunt, quæ in hoc quoque examine obtinentur medijs Actione gratiarum, & Petitione, quæ sunt partes eius. Et sunt veluti duæ clauēs, quibus diuinarum misericordiarum fons aperitur, vt sine obstaculo currat cum abundantia.

FORMA HVIVS EXAMINIS

generalis constat ex quinque punctis.

Primum est. Positus cum reuerentiâ magnâ coram Deo D. N. reddam ei multas
gra-

gratias propter innumera beneficia, quæ mihi contulit; tum generalia, & alijs communia, quæ sunt creatio, conseruatio, redemptio, vocatio ad Ecclesiam, &c. tum particularia, & mihi propria: pariterque propter infinita mala corporis, & animæ, à quibus me præseruauit, ac liberauit.

Secundum. Petam a Deo gratiam ad cognoscendum meos defectus, atque peccata illius diei, ad concipiendumque magnum dolorem, tum de illis, tum de cæteris totius vitæ propositumque firmum illa non ampliùs, neque alia vnquam committendi.

Tertium. Discurram de hora in horam; de loco in locum; de negotio in negotium, recognoscendo mea in illà die mala, atque etiam bona facta cogitatione, verbo, & opere.

Quartum. Pro bonis Deo gratias agam. Pro malis autem humiliter, & confidenter ab ipso veniam petam.

Quinto. Dolebo ex toto corde mala commissa. Illaque cauere deinceps enixè proponam. Vtque me excitem ad actum contritionis perfectæ, quo semper Examen est terminandum, considerabo, quàm bonus est Deus in se ipso, & quàm bonus fuit erga me, tot mihi conferens beneficia: & ego quàm malus fui erga eum, tot ipsum offendens peccatis. Dicamque cum filio prodigo. Pater peccaui in Cælum, & coram te, iam non sum dignus vocari filius tuus.

tuus. Sed meme penitet Domine te te offendisse; quia tu es, qui es, & quia iam te super omnia diligo; firmiterque propono, nunquam iam amplius me te offensurum cum gratia tua. Pater noster &c.

*DE EXAMINE PARTICVLARI
quotidiano Conscientiæ.*

Bona desideria, & proposita, quæ in oratione, in alijsque exercitijs spiritualibus concipit anima, si ad executionem non perueniunt, sunt, sicut flores non coagulata, quæ sine fructu manent. Et quoniam huiusmodi desideria, & proposita ordinariè sunt obiectorum vniuersalium, executiones verò, siue actiones, ut dixit Philosophus, necessariò sunt singularium, necesse est, ut sit speciale exercitium omninò executiuum, & practicum, quo respiciens res propositas in singulari totum se occupet in earum executione. Cæterum, quia difficilius est exequi, quàm proponere, & Dæmon in executionibus noua obstacula interponere, & nouas difficultates addere solet; oportet, ut materia huius exercitij vnica sola sit, ut recollectis in ipsam solam attentione, sollicitudine, & cæteris viribus animæ, melius, & citius possit eius executio obtineri.

Hoc exercitium speciale est Examen particulare, quod nos docuit S. Ignatius. Cuius

mu-

munus est eradicare ex anima aliquod particulare vitium, aut plantare, & alere in illà aliquam particularem virtutem. Et, incipiendo à vitijs, illud primum est, eligendum, quod magis noxium animæ est, deinde, quod sequitur, postea tertium, & cætera suo ordine; donec videatur esse iam tempus, vt in virtutibus plantandis istud Examen occupetur: quæ singulatim pariter sunt eligendæ iuxta ordinem, quo se excedunt in dignitate, aut vtilitate.

Verùm, quia magni interest, scire bene eligere materiam Examinis particularis, distinctius adnotantur sequentia. 1. Esse in vnoquoque homine aliquod vitium, quod præ cæteris dominatur: contra quod imprimis est dimicandum medio Examine particulari: & eo victo, ad aliud pergendum, quod inter cætera eminet; sicque deinceps eligendo semper magis noxium. 2. Inter vitia primò pugnandum est contra illa, quæ prodeunt in actus externos; cum offensione, aut scandalo Proximi; & postea contra reliqua. 3. Sat est habere iam moderata vitia, vt transferatur hoc Examen ad exercitium virtutum: nam & per hoc consequenter illa ampliùs; & ampliùs moderantur. 4. Inter virtutes illæ suo ordine sunt eligendæ, quæ magis conducunt ad consequendam perfectionem. Veluti, offerre Deo omnia diei opera singulatim illaque propter ipsius amorem facere: conformare se cum voluntate diuinà in omnibus,

quæ

quæ eueniunt quoquomodo : ambulare in præ-
 sentia Dei , semper cum ipso, quoad fieri possit,
 conuersando, &c.5. Vt quisque materiam huius
 examinis eligat melius, & tutius, aperiât Patri
 Spiritualia conscientiam suam, & eius consi-
 lium sequatur.

FORMA HVIVS EXAMINIS
particularis continet quatuor puncta.

Primum est . Proponam firmiter primo ma-
 ne non cadere vsque ad meridiem in illud
 peccatum, siue defectum, de quo est examen,
 petamque gratiam à Deo ad implendum pro-
 positum.

Secundum . Incedam interdium cum curâ
 speciali non cadendi : si autem ex inaduerten-
 tiâ, aut ex debilitate cecidero, statim per peni-
 tentiam surgam cum nouo, ac firmiori iterum
 non cadendi proposito : (quemadmodum gene-
 rosus equus, qui offendit, & cadit, mox surgit,
 & cum maiore conatu pergit vterius :) pro ca-
 susque reminiscencia signum aliquod faciam mi-
 hi soli, non item adstantibus, notum, Tantum-
 demque, quoties cecidero, præstandum mihi
 est . Solent aliqui ad numerandos casus glo-
 bulos quosdam secum ferre in funiculo appen-
 sos.

Tertium . Examinabo me meridie ; &
 quot me vicibus eo mane cecidisse reperero,
 toti-

totidem lineolis illas in charta signabo : atque cum illarum dolore , propositoque deinceps non recidendi veniam petam a Deo . Pariterque cum peculiari curâ non cadendi procedam vespere : quòd si ceciderim idem faciam , quod mane .

Quartum . Examinabo me nocte paulò ante cubitum ; signatisque in eadem charta similiter casibus vespertinis , numerum eorum cum numero matutinorum conferam . Tantundemque faciam diebus sequentibus conferendo casus vnius diei cum casibus alterius . Pariterque conferam casus vnius septimanæ cum casibus alterius : & casus vnius mensis cum casibus alterius . Si videro , me paulatim proficere , Deo referam gratias . Sin minus , non ob id animum despondebo , sed vehementiùs , atque efficacius proponam imposterum . Utque victoriam tandem obtineam , non tantùm illam à Deo instanter postulabo , sed aliquam insuper mihi pœnam præscribam pro singulis vicibus , quibus cecidero .

Qui non potuerit examen hoc bis facere , in die , faciat semel in nocte . Forma autem eius exhibita pro vno extirpando vitio ; eadem proportionali modo est obseruanda pro vna comparanda virtute .

31
DE CONFESSIONE GENERALI.

Quando scitur, aut prudenter timetur, aliquas ex confessionibus præteritis inualidas fuisse, vel ex defectu integritatis, vel ex defectu doloris, aut propositi emendationis, tunc confessio generalis totius illius temporis necessaria est. Quamvis autem necessaria non sit, quando prudenter censetur omnes confessiones præteritas fuisse bene factas, vtilissima tamen est, (vel totius vitæ in eo, qui nunquam illam fecit, vel in eo, qui aliquando fecit, temporis ab vltima transacti,) præsertim, dum hæc aguntur Exercitia, quando propter maiorem cognitionem peccatorum maior eorum dolor est. Oportet tamen, vt, qui, se exercet, de illà non cogitet, ne cætera exercitia præpediat, donec admoneatur à Directore. Si autem alium non habet Directorem præter hunc Libellum, differat vsque ad vltimos Exercitiorum dies confessionis ganeralis examen, si illud breue futurum sit, quin tamen propter illud quidpiam demat de quatuor horis Orationis. Si verò futurum sit longum, melius erit, vt illud differat post totam hebdomadam Exercitiorum immediatè faciendum, mox sine morà post illud factum confessione generali sequutà.

EXER-



DESIDERIVM PECCATORVM PERIBIT. *Psalm III*

EXERCITIUM II.

De Peccatis mortalibus.

Concepto efficaci proposito consequendi suum ultimum finem, consequenter proponit homo è medio tollere impedimenta consecutionis eius. Est autem vnicum dumtaxat, scilicet peccatum mortale: nam hoc ponit ultimum finem in creaturà, & non in Deo. Atque adeo, vel vnico stante in homine peccato mortali, nec Deus, nec Cælum, nec Saluatio pro illo est: Quapropter contra hunc inimicum totum nostrum odium, & bellum est impendendum. Ad quod præsens Exercitium, atque sequentia diriguntur.

Cuius Oratio præparatoria est eadem, quæ semper. Compositio autem loci poterit esse. Considerare me quasi exulem in hac lacrymarum Valle inter bruta animalia; & animam meam quasi constrictam in carcere corporis compedibus, atque catenis peccatorum meorum. Petitioque erit. Postulare à Deo viuendam cognitionem grauitatis, malitiæ, ac multitudinis illorum; & intensissimum dolorem, confusionem, ac verecundiam, quòd illa commiserim, cum efficaci, & firmo proposito illa non ampliùs committendi.

In primo puncto, supplicia aliqua à Deo pro peccatis inflicta considerabo, vt horum in-

C

fini-

finitæ malitiæ per magnitudinem illorum conceptum aliquem efforem. Primum fuit in Angelis præuaricantibus. Creauit Deus omnes Angelos ornatos innumeris perfectionibus tum naturæ, tum gratiæ. Sed, vt per merita propria lucrarentur suam gloriam, eos in sua libertate reliquit. Superbiit magna pars eorum, & in peccatum mortale ceciderunt. Quosnam effectus hæc culpa induxit in creaturas tales? Ex Angelis conuertit in Dæmones. Ex pulcherri-
 mis creaturis fecit fœdissimas. Ex charissimis amicis Dei odiosissimos inimicos. Ex Celi nobilissimis ciuibus Inferni incolas abiectissimos. Ex felicissimis denique infœlicissimas omnium creaturarum: quandoquidem gloriam æternam pro æternis tormentis commutarunt. Ponderabo, quòd opera Dei in mensura, numero, & pondere facta sunt. Quòd Deus est iustissimus in puniendo, nec peccatum vltra, sed potius infra condignum punit. Quòd Deus à se est infinitè misericors, neque iustitià suà vtitur, nisi prouocatus aliunde. Quòd Deus amabat hos Angelos, vt primum, illudque tam perfectum opus manuum suarum, amore infinito Patris, & Creatoris eorum. Si igitur talis Deus creaturas tales tam ingenti, & nunquam in æternum finiendâ pœnâ puniuit propter vnicum peccatum mortale; quis non hinc mortalis culpæ perspicit infinitam malitiã? Quis non eam horret? Quis non eam fugit, etiam cum dispendio vitæ, atque

om-

omnium bonorum eius , vti fecerunt Martyres ?
 Et si peccatum vnum mortale tantam stragem
 fecit in Angelis ; quid ego miser homo ex tor à
 me commissis spero , nisi amaræ poenitentiae la-
 crymis illa diluero ? Et si vna gutta veneni ca-
 dens in vasis illis argenteis , & aureis tantam
 Deo nauseam concitauit , vt illa ex Celi prom-
 ptuariò in sterquilinum Inferni statim proiece-
 rit , ego vas terreum , plenum vsque ad os ipsum
 veneno peccatorum , quid spero ? Quomodo
 Deum non timeo ?

Secundum supplicium ob vnum peccatum
 mortale inflictum à Deo fuit illud humani Gene-
 ris primorum Parentum . Creauit Deus Adam,
 & Euam in gratià, & amicitia suà, ornatos dono
 Iustitiæ originalis, & à morte , omniq; malo pe-
 næ exemptos. Posuit eos in Paradiso voluptatis.
 Sed, vt eorum obedientiam experiretur, ipsis præ-
 cepit, ne comederent de fructibus vnicę arboris.
 Decepti à Serpente fregerunt præceptum come-
 dendo , sicq; peccatum vnum commiserunt mor-
 tale ; paruum quoad speciem , vt potè parui esus
 vetiti fructus , sed reuera grauissimum propter
 altitudinem finis præcepti , & propter circum-
 stantias . Quos hoc peccatum effectus procrea-
 uit in Mundo ? Adam, & Eua pro se, & pro suis
 descendantibus Iustitià originali priuati sunt :
 damnati ad mortem: expositi doloribus, infirmi-
 tatibus , cæterisque huius Mundi miserijs : eiecti
 è Paradiso : & ad vescendum panem suum in

sudore vultus sui condemnati . Vbi est adnotandum, omnia mala culpæ, & pœnæ, quæ sunt in Mundo, tot peccata, tot bella, tot lites, tot contentiones, tristitias, timores, cæterasque innumeras calamitates temporales cum pœnis æternis Damnatorum, velut scintillas quasdam esse ex illo primæ culpæ fulmine deriuatas, & argumentum, ac testimonium Iustitiæ Diuinæ . Hic faciendæ eadem ponderationes, quæ supra: obiter animaduertendo, nullum locum esse securum; siquidem Angeli in Cælo, & Adam in Paradiso ceciderunt: & quomodò non obstantibus quibusuis donis acceptis à Deo, semper adest periculum; semperque subinde debemus, vt monet Apostolus, cum metu, & tremore nostram salutem operari .

Tertium supplicium illud est, quo Deus punnit in Inferno peccatum mortale . Licet enim cum vno solo moriatur homo, tandiù in pœnam eius intra voraces illas flammæ arsurus est, quândiù Deus est extiturus, vt Fides docet . Illudque immensum misericordiæ Pelagus creaturæ à se factæ, tamq; dilectæ, vt pro ea vnigenitum suum Filium è Cruce suspenderit, ignem, quo comburitur, flatu suo est accensurus in æternum, vt ait Isaias, absque vllâ commiseratione, potius cum gaudio, quòd ibi videat exerceri suam infinitam Iustitiam . O peccati mortalis horribilissima malitia, quæ tanto supplicio digna est ! O quæ hominum stupidissima insania, qui, credentes hanc veritatem, illud audent committere ! Quisnam
equis

equus tam præceps it, ut ad aspectum nudienſis non ſe detineat? Et tamen Chriſtianus videns coram ſe Infernum apertum, in barathrum peccati mortalis ſeſe præcipitat, certò ſciens, ſi in hoc moriatur, in illud caſurum. Vnde meam cæcitatem, qui tot commiſi, animaduertam; & aperi- am oculos.

Quartum denique ſupplicium, maiori adhuc admiratione dignum, ſit illud, quo Deus puniuit ſuum Filium propter peccata aliena; tradens Auctorem vitæ morti acerbiffimæ. Nam ſi in viride ligno, ubi teredo peccati locum non habuit, tantus accenſus eſt ignis diuinæ Juſti- tiæ; in ſicco, qualis ego ſum, tot peccatorum teredinibus perforato quantus accendetur? Et ſi Vas, cùm eſſet Deus æqualis Patri, tales pro peccatis alienis pœnas ſubiuit: ego viliffima creatura, qui ſum ipſe debitor, quales pro pec- catis proprijs timere debeo? Ob hæc, & alia ſupplicia, quibus peccata digna ſunt, ingens ad- uerſus illa horror, ingensque odium eſt mihi concipiendum: atque ingens timor, & tremor iræ diuinæ.

Secundum punctum erit. Conſiderare ma- litiam, ac diſſonantiam peccati mortalis per id, quod in ſe ipſo eſt. Conſiſtit enim, ut docet. S. Thomas, in auerſione quadam à Deo, & con- uerſione ad creaturam. Per quod apparet, pec- cantem mortaliter Deum ipſum pro creaturâ commutare, æſtimando pluris creaturam, quàm

Deum ; maiorisque ponderis ducendo bonum ,
 falsum , & momentaneum , quàm verum , æter-
 num , & summum Bonum . Vnde peccatum mor-
 tale contemptus quidam est Dei cum creaturà
 comparati ; despectusque iustissimarum legum ;
 ditissimarum promissionum , & formidabilium
 minarum eius . Est demum grauissima offensa ,
 à creatura contra suum Creatorem illata : per
 quod apertè detegitur infinitudo eius . Si enim
 in bona Theologia offensa crescit iuxta magni-
 tudinem offensi , & vilitatem offendentis , cum
 distantia inter Creatorem , & creaturam sit infi-
 nita , necesse est , vt offensa à creaturà in Creato-
 rem per peccatum irrogata infinita sit . Hic pos-
 sum latè discurrere per diuina Attributa . Repe-
 riamque , nullum esse respectiue ad quod pecca-
 tum mortale specialem dissonantiam nō induat .
 Nam quæ dissonantia est coram , & ante ipsius
 oculos irrogare iniuriam offenso ? Deus autem
 per suam immensitatem adest præsens peccanti ;
 & per suam sapientiam intuetur peccatum eius .
 Quæ dissonantia est , practicè per peccatum odif-
 se illum ; qui propter suam infinitam Bonitatem
 est dignus omni amore ? Quæ dissonantia est , of-
 fendere Iudicem ipsum , qui de offensà est iudi-
 caturus ; & potest statim se offendentem ad mor-
 tem condemnare ? Peccator autem Deum offen-
 dit Iudicem suum ; qui potest ipsum statim in
 Infernum proijcere . Pariterque per alia Attri-
 buta secundum se considerata discurrere possum .

Quòd

Quòd si Deum vt meum Benefactorem aspiciam, haud fatis stupebo monstrositatem, quam insuper fert secum peccatum meum ratione ingratitudinis. Si enim considero multitudinem sine numero beneficiorum, quæ Deus mihi hætenus contulit; & quæ intendit mihi in Cælo conferre per integram æternitatem: deprehendam planè, estò ego totidem obsequijs ipsi hætenus correspondissem, & in æternum corresponderem, fore vtique vt vix vel minimum signum monstrarem debitæ gratitudinis. Quanta igitur, quàmque abominabilis ingratitudo erit, loco obsequiorum tot., tàmque execrandis iniurijs ipsi correspondisse? Hic possum discurrere, sigillatim per beneficia accepta; ponderando, quàm male cum tanto Benefactore me gesserim; quantumque supplicium meretur tam fæda ingratitudo. Et hinc pariter procurando intentum dolorem elicere de peccatis commissis cum firmo proposito nullum omnino iam commitendi.

In tertiò puncto procurabo legitimum conceptum formare malitiæ peccati mortalis; legitimumque subindè concipere horrorem eius, per suos effectus abominabiles. Quorum aliqui sunt sequentes. 1. Est mors animæ, quam longè plùs fædam, abominabilemque reddit coram Deo, & Angelis, quàm est coram hominibus corpus mortuum putridum iam ac fætens. 2. Remouet ab animà Deum, in eamque introducit Dæ-

monem. Quo fit, vt illa de Sanctissimæ Trinitatis templo pulcherrimo in caueam spurcissimam bestię Infernalis conuersa maneat. 3. Transformat hominem ex charissimo amico Dei in mancipium Dæmonis odiosissimum. 4. Obscurat oculos intellectus, lumenque rationis obscurat, conuertens quodammodò hominem de rationali in brutum. 5. Priuat hominem nobilitate filij Dei, participationeque diuinæ naturæ, quam habebat per gratiam. 6. Priuat deinde Maioratu, ac iure, in quo erat, ad Regnum gloriæ æternum, & bona eius. 7. Priuat præterea diuitijs meritorum gloriæ, quas eovsq̃ suis bonis operibus comparauerat. 8. Priuat denique auxilijs efficacibus gratiæ. Vnde venit, vt vnum peccatum sit causa aliorum, & aliorum. 9. Tollit orationi efficaciam. 10. Tollit in ærurnis consolationem. 11. Tollit pacem cordis, & gaudium bonæ conscientię. 12. Demum trahit secum malam mortem, & alia præter dicta innumera mala. O monstrum ex omni feditate compositum! O abyssus omnium miseriarum! O cæci, qui te diligunt! O insani, qui te non fugiunt! Et heu me miserum si non adeò penitet me, quòd te quæsiui, & sum amplexatus, vt potius millies vitam perdam, quàm ad te redeam.

Quartum punctum erit discurrere per vitæ meæ periodos, considerando generaliter, quot peccata in eà commisi. Forsitan enim depre-

hen-

hendam, nullum esse præceptum Dei, & Ecclesiæ, quod sæpe non fregerim cogitatione, verbo, aut opere. Concipiensque me ut apostema quoddam, ex quo circumquaque stillat putredo: haud satis admirari potero; quomodo Deus hucusque me tolerauerit? Quomodo me illuminauerit Sol? Quomodo Cœli suis influentijs me conseruauerit? Quomodo Aer respirationem mihi dederit? Quomodo me refrigerauerit Aqua: & Ignis calefecerit? Quomodo Terra aperto aliquo ore non me deuorauerit? Et quomodo Creaturæ omnes non conspirarunt contra me, tanquam contra inimicum communis Domini? Videntque misericordiam, qua Deus erga me usus est, non habens iam me in Inferno clausum, uti habet alios propter pauciora meis peccata, incensus grauitudine, & ardens amore Colloquio finiam, petens à Christo Domino è cruce pendente iatensum de meis culpis dolorem cum firmo proposito nunquam iam illas committendi. Pater noster.





In pūcto ad inferna descēdunt. Job 21.

DE PECCATIS

43

Venialibus.

Quoniam in octiduo Exercitiorum locus non est, ut de hoc habetur oratio, poterit in eis illud aliquoties pro lectione spirituali seruire. Posteaque per annum materia orationis, eaque valde proficua, poterit esse.

Duplex est genus peccatorum venialium. Alia enim committuntur ex negligentia, imbecillitate, aut parua aduertentia: à quibus ne Perfecti quidem immunes sunt. Alia committuntur ex malitia, hoc est, ex industria, seu data opera, & cum plena aduertentia: quæ omnes possumus cum diuina gratia vitare; de factoque vitant multi fideles Filij atque feruentes Serui Dei. Et de his potissimum hic tractamus.

Oratio præparatoria erit solita. Compositio loci. Imaginari animam meam veluti infirmam, debilem, imbecillem, ac sine viribus peccatorum venialium ægretudinibus. Petitio autem. Postulare à Deo claram de illis cognitionem, intensum de commissis dolorem, & firmum propositum iam illa amplius non commitendi.

Primum punctum erit. Considerare rigorem, quo Deus punit peccata venialia. Siquidem ad illa præcipue punienda horribilem carcerem Purgatorij paratum habet. Vbi animæ

præ-

præter pœnam damni, eamque grauissimam, quam, non videndo Deum, patiuntur, adeò atroces cruciatus tolerant ab igne, quo cremantur, ut iuxta communem Patrum sententiam nulla in hoc Mundo pœna sit cum suâ comparabilis. Itaque nec pœnæ Martyrum, nec pœnæ eorum, qui puniuntur ob sua delicta, nec pœnæ ægrotantium quibusuis, quantumuis acerbis, infirmitatibus accefferunt vnquam ad magnitudinem pœnarum Purgatorij; excedentibus his illas prætereà incomparabiliter quoad durationem. Nā, ut scitur per reuelationes legitimas, & approbatas, aliquæ animæ extiterunt viginti annis in Purgatorio, aliæ quadraginta, aliæ quinquaginta, aliæ pluribus. Quod est horribile, & vehementer formidabile.

Vndè ponderabo primò, nou posse non esse horribilem malitiam peccatorum venialium, supposito, quòd iustè est punita pœnis tam horribilibus. Et hoc in animabus non inimicis, quales sunt Damnatorum, sed amicis Dei, & sponsis eius; ab ipsoque cum amore infinito amatis, & destinatis ad fruendum ipso in æternum. Si Rex desponsatus cum pauperculâ virgine natâ, educataque in Vico ignobili (parato iam triumpho, cum quo illa in curiam Regiam ad fruendum suâ felici sorte ingressura erat) ipso die ingressui destinato iuberet, eam in carcerem detrudi; & ibi tormentis acerbissimis per longum tempus puniri. Quid diceremus de talis

vir-

Virginis delictis in suum Regem, Dominum, & Sponsum commissis? Vtique, quod grauissima fuerant. Hoc tamen umbra est respectu veritatis eius, quod euenit animæ morienti in gratiâ Dei, quæ cum statim esset in curiam Cælestem ingressura triumphans ad fruendum Sponso, & Regno suo, propter peccata venialia commissa, in carcere Purgatorij per longum tempus detinetur, acerbissimisq; tormentis ibi cruciatur.

Secundò ponderabo, quantum horrorem de peccatis venialibus debeo concipere: quandoquidem secundum Apostolum ea sunt ligna, fœnum, & stipula, quibus ignis Purgatorij cibatur; & nutritur ad comburendum ipsorum auctores. Etenim, si esset dementia extrema eius hominis, qui diceret vnum mendacium, vel quoduis aliud peccatum veniale committeret, sciens certò se propter illud statim in rogi accensum proijciendum esse, & cremandum; etsi tormentum hoc simul cum vitâ intra vnam, vel duas horas esset finiendum. Quanta dementia eorum est, qui tam multa committunt passim audacter, & intrepidè, scientes cum certitudine Fidei, quòd, si ab illis non exeunt purgati ex hac vita igne tremendo Purgatorij purgandi sunt, non per vnam, aut duas horas, sed per multos dies, aut menses, aut etiam annos?

Punit præterea Deus peccata venialia sæpe in hac vitâ multis modis. Iam pœnis corporalibus infirmitatum, dolorum, persecutio-

num,

num, &c. Iam spiritualibus maioribus; vt sunt
 permissiones tentationum, quæ valde affligunt,
 inquietudines, turbationes conscientia, desola-
 tiones obscuritates, siccitates, demum priua-
 tiones, illius pacis, ac tranquillitatis, quæ fru-
 ctus est bonæ conscientia. Iam (quod est magis
 formidandum) subtractionibus illorum dono-
 rum, & auxiliorum gratia suæ, sine quibus ho-
 mo aut est in periculo proximo cadendi in pec-
 cata grauiā, aut de facto cadit in illa. Nam iu-
 xta sententiam Sapientis. Qui spernit modica,
 paulatim decedet. Valde igitur formidandæ
 sunt culpæ, quæ secum afferunt tales pœnas.

Secundum punctum erit. Animaduertere,
 quàm magna est malitia peccati venialis con-
 siderati secundum se; quamuis ea dicatur, & sit
 parua comparata cum malitiā peccati mortalis.
 Primò enim peccatum veniale eo ipso, quod est
 contra rationem est macula, scditas, inordina-
 tio, & monstrositas Animæ, quod illam immun-
 dam, scdam, atque monstrosam reddit.

Secundò eo ipso, quod est contra præce-
 ptum, & voluntatem Dei, est vera offensa; iniu-
 ria, despectusque ipsius Dei. Propter quod so-
 lum (esto deessent cætera) eius veri filij, & serui
 fideles debent plusquàm mille mortes illud hor-
 rere, & fugere. Quid enim diceremus de filio,
 qui diceret. Ego Patri meo non irrogabo iniuriā
 talem, propter quam me domo eijciat, & here-
 ditate priuet; minores autem irrogare, vt meos

im-

impleam appetitus, non recusabo. Diceremus
vtique, illum nomine filij dignum non esse. Ta-
les ergo sunt, qui aduertenter, & datà operà
peccata venialia committunt.

Tertiò, eo ipso, quòd peccatum veniale est
offensa, & iniuria Dei, est malum quoddam ip-
sius Dei, & quia est malum Dei, est maius ma-
lum omnibus malis pœnæ creaturarum tempo-
ralibus, & æternis. Adeò, vt si cui daretur ele-
ctio inter hæc duo extrema. Vel facere vnum,
peccatum veniale. Vel pati in æternum omnia
tormenta Inferni cum priuatione totius gloriæ
Cœli; hoc potius secundum; quàm illud primum
iuxta rationem rectam deberet eligere. Cum
sit certissimum, minimum malum culpæ maius
esse summo malo pœnæ; & minus malum ad
euitandum maius debere eligi. Quis igitur non
timeat, fugiatque malum illud, qui excedit om-
nia mala pœnæ simul coniuncta in vno?

Tertium punctum erit, considerare, quo-
modò peccatum veniale spiritualis ægritudo
animæ est: sicque illi eos propotionaliter præ-
stat effectus, quos ægritudo corporalis solet præ-
stare corpori: nimirum imbecillitatem, defe-
ctumque virium ad exercendas virtutes, & ad
vincendas tentationes: tædium rerum spi ritua-
lium, orationis, & conuersationis cum Deo: de-
bilitatem, lassitudinem, & pigritiam ad deam-
bulandum per viam spiritus: & consequenter
inclinationem magnam ad quiescendum supra

bona terrena, cum repugnantia non minore ad
quærenda Cœlestia.

Et hinc fit, vt, quemadmodum ægritudo
corporalis est dispositio ad mortem corporis
(& hoc est maius eius malum, & quod maiorem
inducit sollicitudinem, & timorem) ita ægritudo
spiritualis peccati venialis est dispositio ad mor-
tem animæ, scilicet ad peccatum mortale. Et
hoc est, quod in illo debemus plus timere, &
horrere.

Disponit peccatum veniale ad mortale, vt
docet S. Thomas, primò per modum cuiusdam
consequentia: quatenus per peccata venialia,
paulatim assuescit homo ad transgrediendum
rationis limites, ac non timendum dissonantiam
culpæ, audendumque deuorare illam: paulatim-
que subinde conscientia laxatur, & ampliatur
culpæ minoribus; quousque iam sine difficulta-
te valet capere in se maiores. Vndè est bona
consequentia. Committit quis cum aduertenti-
tia peccata venialia. Ergo committet & mor-
talia. Est infidelis super pauca. Ergo etiam
erit super multa? Contemnit parua. Ergo &
contemnet maiora. Iuxta illud iam ex Sapien-
te commemoratum. Qui spernit modica, pau-
latim decidet.

Secundò, peccatum veniale disponit ad
mortale indirectè. Hoc est remouendo impe-
dimenta eius. Quæ ad quatuor reducuntur.
Primum est subiectio ad Deum, & ad eius San-
ctum

ctum timorem: quæ subiectio audaciâ peccandi
 venialiter quoridie minuitur, donec iam audeat
 in magnis, qui audebat in parvis. Secundum sunt
 habitus virtutum: qui per peccata contraria,
 tametsi leuia, adeò remissiora paulatim, ac sub-
 tiliora fiunt, vt tandem frangantur per grauiâ.
 Nam vt ait S. Gregorius, cuncta redduntur con-
 suetudine subtiliora. Et gutta canat lapidem,
 non vi, sed sæpe cadendo, Tertium est auxi-
 lia diuinæ gratiæ: quæ Deus eò minus largi-
 ter confert, quò homo indignior fit illis per
 peccata venialia; donec desinunt esse efficacia
 ad vitanda mortalia. Quartum est vis, & robur
 spiritus: quæ per peccata venialia ita debilitan-
 tur, vt occurrente tentatione graui, contra
 illam homo non præualeat; sicque victus ca-
 dat.

Tertiò ad peccatum mortale disponunt
 venialia, quando sunt multa, per modum pon-
 deris potentis in eius abyssu submergere ani-
 mam ratione multitudinis, non magnitudinis.
 Sicuti guttulæ aquæ, & arenulæ, quantumuis
 sint leues seorsim, nauim, quam intrant, sub-
 mergere in mari possunt, & solent, si multæ sint.
 Quo circa dixit Augustinus, ruinam multitu-
 dinis, & ruinam magnitudinis æquè esse timen-
 das. Nam si tandem vincor, & cado, parum
 interest, vt id eueniat, quòd erant inimici multi,
 vel quòd erant fortes.

Vnde colligitur, peccata venialia facta

D

cum

cum aduertentiâ, & frequentiâ hominem ponere in periculo proximo cadendi in mortalia. Quia ponunt hominem in eo tepiditatis statu, ratione cuius Deus non solum prouocatur ad vomitum; sed incipit iam euomere illum ex ore suo, vt dicitur in Apocalypsi. Hoc est, incipit illum à sua protectione subtrahere: quò cadat in peccata grauia. Vnde alterum periculum maius sequitur. Nam, quemadmodum, quod semel euomitur, non solet iterum degluti: ità, quem Deus propter huiusmodi tepiditatem, audaciamque in committendis peccatis venialibus semel euomit, non solet iterum deglutire reducendo illum ad suam gratiam; subindeque sine illà moritur, & perit. Quia relinquitur in statu illorum relapsorum, qui nouis peccatis perdunt gratiam antea acquisitam. De quibus loquens S. Paulus dicit, impossibile, esse moraliter; rursus ad pœnitentiam reuocari eos, qui semel illuminati, & facti participes Spiritus sancti per gratiam, ab eo statu fœlicissimo prolabantur per peccatum mortale. Et S. Petrus dicit, loquens de eisdem, eos, qui fugientes coinquinationes Mundi acquisuerunt gratiam Dei, si his rursus implicati superantur, & illam perdunt, in statu manere peiore eo, quem habebant ante acquisitionem illius: facta enim eis esse posteriora deteriora prioribus. Quippe vniuersaliter, & vt plurimum peius, & periculosius est recidere, quàm cadere.

Ex

Ex dictis in toto hoc Exercitio primùm colligam. Quàm magnum malum sunt peccata venialia: quantumque proinde debeo illa odio habere: tum quàm magnum periculum secum ferunt cadendi in mortalia, aut etiam ex eis non resurgendi: quantumque propterea debeo illa timere, & fugere.

Secundò concipere satagam intensum dolorem commissorum, cum firmo proposito illa iam amplius non committendi.

Col.

loquioque finiam, perendo à Deo integram veniam præteritorum: & efficacem gratiam pro perfectà emendatione in futurum. Pater noster.



QVA HORA NON PVTATIS. *Luc. 12.*

ESERCITIVM III.

De Morte.

53

A Deo est efficax ad non peccandum memoria Nouissimorum nostrorum, vt dicat Spiritus sanctus. In omnibus operibus tuis memorare Nouissima tua, & in æternum non peccabis. Quorum primum est Mors, materia huius Meditationis. In qua Oratio præparatoria erit solita. Compositio loci erit. Imaginari me ipsum iacentem in lecto, proximum iam articulo mortis, desperantemque de vltiore vitâ, vtpote cui iam à Medicis denuntiatur, quod Isaias denuntiavit Ezechia. Dispone domui tuæ: quia morieris tu, & non viues. Petitio autem erit. Rogare Deum, vt det mihi, quod sentiam modo id, quod tunc sum sensurus de omnibus rebus præsentis vitæ, atque futuræ.

Primum punctum erit de natura, & proprietatibus Mortis. Sed antequàm illas considerem. Supponam veritatem, de qua dubitare nemo potest: vtpote quam Fides diuina, ratio naturalis, & experientia quotidiana cum infallibili certitudine, & euidentiâ clarissimâ manifestant. Hæc est. Quod omnes sumus morituri. Iam in Tribunali Dei, dicit Apostolus, Statutum est hominibus semel mori. Et est hæc lex tam vniuersalis, vt neque Christus Dominus, neque Sanctissima Mater eius fuerunt exempti

D 3

ab

ab illà : tametsi fuerint ab alijs legibus diuinæ
 Prouidentix. Omnes sumus morituri . Magni,
 & parui ; nobiles , & plebeij ; diuites , & paupe-
 res ; iuuenes , & senes ; denique omnes . Post
 centum annos nullus homo ex hodie uiuentibus
 uiuet , sed alij loco eorum . Sicut nullus hodie
 uiuit ex illis , qui centum annos retro vixerunt .
 Currunt sæcula , vt fluctus maris , quorum vnus
 sequitur alium , donec omnes euanescent in lito-
 re ; vel sicut aquæ fluminum , quarum , quæ mo-
 dò sunt præsentès , postmodum sunt iam præte-
 ritæ , & aliæ præsentès loco illarum . Omnes su-
 mus morituri . Omnes sumus transitori ab an-
 gustà Regione Temporis ad Regnum amplissi-
 mum Æternitatis .

Et quid est mori ? Mori est euerti , ac desi-
 nere esse compositum hoc ex corpore , & anima .
 mori est destrui , & in terram cadere hoc edi-
 ficiu . Mori est exilium perpetuum ab hoc
 Mundo vniuerso : & spoliatio vniuersalis ab
 omnibus bonis in eo æstimatis , Diuitijs , Volu-
 ptatibus , Delicijs , Honoribus , Officijs , Digni-
 tatibus , & cæteris . Vnde sequitur , vt quantum
 ad hæc , quæ Mundus æstimat , Mors omnes nos
 faciat æquales . Quia , sicut in illum nudi ingre-
 dimur omnes : ita ex illo egredimur nudi . Vt
 quid ergo tanta cura , & diligentia in compa-
 randis rebus , è quibus exuti , nudique sumus
 egressuri ? Quænam esset Mercatoris dementia ,
 qui cum magna expensà , & labore onerasset
 suam

suam nauim ijs mercibus , quas , certò sciret , simul cum illà submergendas in portu , ipso solo & nudo exeunte , ex mari natando ? Aut qui transiturus in aliud Regnum de monetà se prouideret , quæ nihil illuc valet ? Maior est dementia mortalium , qui thesaurizant bona mox relinquenda , opes , honores , delitias , obliti operum bonorum ; quæ solæ cum ipsis ad portum sunt peruenturæ , & in Regnum spatiosissimum Æternitatis intraturæ .

Et quando sumus morituri ? A die natiuitatis incipimus mori : quandoquidem quotidie amittimus vnum vitæ diem . A carcere materni vteri eximus condemnati , perginusque ad patibulum mortis , non festinantes modò , sed volantes celerrimis temporis alis . Insanus esset ille , qui eductus è carcere , vt suspenderetur in furca , ad breue illud iter postularet muscas , ludos , conuiuia , & alias delicias , immemor termini , quò ibat . Infaniore multò sumus nos , si in similibus oblectamentis perdimus tempus vitæ , immemores termini eius , ad quem properamus .

Præsertim , cùm tempus vitæ nostræ tam breue sit in se , & comparatum cum Æternitate , quæ nos post illud expectat , tam quasi nullum . Nam quid sunt centum anni , ad quos , vt summum vita hominis potest extendi , si comparentur cum infinita multitudine millionum annorum , ex quibus Æteruitas componitur ? Multo minùs quam momentum indiuisibile

temporis comparatum cum quouis numero annorum, quantumvis magno. Enimuerò duo extrema finita aliquam inter se proportionem, habent: extremum verò finitum cum infinito nullam. Vndè inferemus cum Apostolo. Quidquid in hoc mundo est seu boni, seu mali, nihili prorsus æstimari debere: quia cito huius Mundi præterit phantastica figura.

Quòd si terminus vitæ nostræ, cùm tam, propè sit, foret certum, aliquam fortè excusationem possemus obliuionis nostræ prætexere. Sed non ita est. Nemo scit, quando, aut quomodò est moriturus: si hoc anno, vel sequente, vel alio: si hoc mense, aut hac septimana: Si morte prouisà, aut improuisà, prænotà, aut repentinà. Proptereà Christus Dominus in suo Euangelio toties, tamque diuersis parabolis monet nos, vt semper simus vigilantes, & præparati ad mortem. Sicut Virgines, quæ expectant sponsum, & nesciunt, qua hora est peruenturus. Sicut, qui nouit, suam domum vnà nocte à Latronibus inuadendam, nescitque, qua hora, & ideò vigilat in omnibus. Sicut, qui ob metum inimicorum excubias agunt in primà, secundà, & tertià vigilià noctis, symbolis nostrarum trium ætatum, iuuentutis, maturitatis, & senectutis. Proptereà etiam in Scripturà sacrà admonemur. Quòd mors se gerit, vt fur, qui aggreditur furaturus, cùm minùs putabatur. Quòd se gerit, vt piscator, qui hamo capit, &

extrahit piscem, quando securus, & intrepidus cum alijs natabat. Et sanè, si aliqua est in Mundo prudentia, in procurandà securitate huius negotij, quod vnice est necessarium, impendenda est. O cæcitas Mortalium, qui tanta solitudine prouident, & præcauent pericula in alijs negotijs humanis, obliti periculi formidabilis, in quo viuunt, perdendi per improuisam mortem negotium summum æternæ suæ saluationis!

Habet prætereà mors proprietatem aliam valdè timendam. Quòd scilicet vnica est, nec repeti potest: vnde error in ea commissus non est reparabilis: nam, vt ait Sapiens, vbicumq; ceciderit lignum, siue ad Austrum, siue ad Aquilonem, ibi erit. Est mors vltima sors ludi, cui exponitur integra summa; quæ si perditur, omnia in æternum manent perdita. Est saltus, qui vt sine discrimine fiat in foueam Inferni cadendi, à longè retro debet cursus incipere. Actiones difficiles, & inusitatæ non solent primà vice bene succedere, & ideò repetimus eas, vt corrigamus. Nulla actio magis inusitata mihi, quàm mori, nec magis difficilis, quàm bene mori. Quomodo igitur non timeo successum eius? Si homini, qui nunquam iaculatus esset in scopum, daretur spatium trium dierum, vt se in iaculando exerceret, dexterque fieret, eo pacto, vt, si post primo iactu scopum attingeret, creandus esset Rex, sin minus, comburen-

dus

dus viuus. Certum est, quòd talis homo (nisi
 esset amens) in nihilo alio expenderet tale tem-
 pus, præterquàm in comparandà frequentibus
 aetibus dexteritate iaculandi, ne postea iactu,
 qui sibi tanti intererat, aberraret ab scopo.
 Tempus huius vitæ datur nobis, vt per exerci-
 tium mortificationis nostrarum passionum dex-
 teritatem comparemus iaculandi in scopum bo-
 næ mortis; ita quòd, si primo iactu illum at-
 tingimus, Reges in æternum futuri sumus Re-
 gni Cælestis: si verò ab illo aberramus, viui in
 æternum comburendi sumus igne Infernali. A-
 mentia erit perdere tempus, & non expendere
 totum moriendo, quantum fieri potest, in vità,
 vt scopum bene moriendi securè attingamus in
 morte.

Secundum punctum erit considerare, quod
 ante mortem solet accidere. Quomodò auge-
 scit ægritudo cum suis accidentibus. Quomo-
 dò potentia omnes redduntur debiliores; atque
 adeò inhabiliores ad suas actiones, etiam con-
 naturales, & valdè vsitatas: quid erit ad super-
 naturales parum vsitatas, & tunc tam necessa-
 rias? Ad quod accedunt impedimenta Medico-
 rum, medicinarum, visitationum, confectionis
 Testamenti, &c. Magna profectò amentia est, dif-
 ferre ad tempus tam impeditum tam difficile,
 tantique momenti negotium. Ecquis inter tot
 obstacula, curas, sollicitudines, & anxietates po-
 terit scindere, sarcire, consuere, atque perficere

vestem nuptialem necessariam ad intrandum in nuptias Cælestes. Innumeri haud dubie sunt, qui in æternum pereunt, quòd differunt disponi ad mortem ad extremos terminos vitæ.

Iam verò quando egrotus desperatus à Mē. dicis sibi persuadet, suam iam mortem esse vicinam: quis explicare poterit, quantis angustiis, angoribus, & afflictionibus crucietur? Nam si sola memoria mortis tam amara est, vt Sapiens exaggerat: quàm amara erit mortis præsentia? Tunc angit primò vniuersalis illa, violentaque Charorum omnium spoliatio: quia non relinquitur sine dolore, quod tenebatur cum amore. Secundò angit recordatio vitæ præteritæ in peccatis, in vanitatibus, in obliuione Dei, & suæ saluationis. Tertiò angit recordatio tot mediocrium faciliū, tot occasionum opportunarum, tot inspirationum Dei, tot monitionum, ac exemplorum hominum: quæ omnia sine fructu transiere. Quartò angit recordatio tanti temporis perditī, & tot horarum male insumptarum: quarum vel vnica tunc expetitur, & non datur. Quintò angit incertitudo sortis mox euenturæ, aut gloriæ æternæ cum Angelis, aut penæ æternæ cum Dæmoniis. Ad quod ipsorum Dæmoniorum accedit sollicitudo. Qui, quo passu in vitā laxant conscientias, vt peccetur, eodem in morte stringunt, vt desperetur; exaggerando grauitatem, ac multitudinem culparum, rigoremque Iustitiæ diuinæ.

Hæc

Hæc sunt nonnulla ex ijs , quæ eueniunt in morte peccatoris . Nam mors Iusti , & coram Deo pretiosa , & ipsi Iusto suavis est , atq; expers omni angore . Non angitur peccatorum memoria ; quia tempestiue illa lacrymis lauit . Non perditione temporis , occasionum , inspirationum , & monitionum ; quia cuncta fecit sibi proficua . Non timet iudiciũ ; quia amat Iudicem ; cuius charitas foras mittit timorem . In mea manu modò est , inter istas duas mortes eligere . Curabo deinceps totis viribus sic iustè viuere , vt mors mea mors iusti sit .

Tertium punctum erit , considerare , quod euenit post mortem . Quomodò corpus relinquitur sine animà scdum , fetidum , quod omnes horrent , curantque statim è domo eijcere , quantumuis dilectum esset , dum viueret . Sed qualiter ornant ? Vilissimà aliqua , iamque despectà veste inuoluunt . Nec ob id quæritur , quantumuis magni Principis corpus sit . Mox fertur ad illud angustum cubile , & lectulum durum . Vbi , vt ait Isaias culcitra sunt tineæ , & operimentum vermes , cortinæ autem , & puluinaria , sunt ossa aliorum mortuorum . Ibi que sepultum relinquitur in perpetua obliuione . En fors , quæ expectat hoc mei corporis sterquilinium . Curabo modò illud ita tractare , vt non præcipitet animam .

Quæ statim ac separatur à corpore . Sistitur ante Tribunal Christi , vt reddat rationem

om-

omnium suorum operum . Quæ adeò stricte , &
 rigorosè exigenda est , vt ne minimum quidem
 verbum otiosum prætermittatur . Considerabo
 attentè processum huius Iudicij , donec de eo in
 corde meo gignam timorem debitum . Qualem
 habuerunt magni Sancti ; qui longè minorem ,
 quàm ego , habebant causam timendi . Et , si-
 quidem sum certus , illud non longè à me dista-
 re ; curabo enixè , vt deinceps omnes actiones
 meæ sint tales , quæ possint in illo fine meà ve-
 recundià , & confusione comparere . Finemque
 Meditationi imponam Colloquium directum
 ad Christum Dominum è Cruce penden-
 tem , quo ab eo petam , vt per sua me-
 rita pretiosissima mihi conferat
 gratiam, vt ita viuam, quod
 consequar tandem bo-
 nam mortem, & fa-
 uorabilem sen-
 tentiam. Pa-
 ter noster.



Quis poterit cogitare diem aduentus eius. *Mat. 24*

EXERCITIVM IV.

De Iudicio vniuersali.

Supponitur articulus Fidei, quo credimus,
 Christum Dominum in extremo die huius
 Mundi descensurum è Cœlo in Terram ad iudi-
 candos viuos, & mortuos Iudicio vniuersali. In
 quo ostentationem facturus est suæ Rectitudinis,
 & Iustitiæ, manifestando omnibus Angelis, &
 hominibus oculiores vias suæ diuinæ Prouiden-
 tiæ, vt videant omnes, quàm rectæ, & iustæ
 semper fuerunt, & sunt, & erunt: & quomodo
 omnes, qui sunt perditī, suā culpā sunt perditī.
 Et quamuis sit certum etiam secundum Fidem,
 quòd Iudicium particulare, quo Christus noster
 Iudex vnumquemque hominum iudicat statim,
 ac moritur, sententiaque, quam de illo pronun-
 tiat, seu saluationis, seu condemnationis æter-
 næ, nullam sortitura sunt mutationem, aut va-
 riationem quoad substantiam in illo vniuersali
 Iudicio: sed vniuersaliter, & publice est de om-
 nibus confirmandum id, quod particulatim, &
 secreto de singulis, cùm mortui fuerunt, iudi-
 catum, atque decretum est. Nihilominus cir-
 cumstantiæ illius Iudicij finalis tales futuræ
 sunt in illà die vltimà Mundi; tamque for-
 midabilia cuncta, quæ in ea peragenda
 sunt, vt magni nobis interfit, per otium, fre-
 quenter, & attentè illa considerare. Ad
 quod

quod ordinatur hoc Exercitium .

In quo Oratio præparatoria erit consueta .
Compositio loci . Imaginari Theatrum amplif-
simum: in quo Actus generalis Inquisitionis ce-
lebratur . Petitio . Postulare à Deo gratiam,
ad ita viuendum, vt merear habere in illo Thea-
tro , & bonum locum, & fauorabilem senten-
tiam .

Primum punctum erit . Considerare id,
quod narratur in Euangelio . Nimirum, quòd
incurijs hominibus, & occupatis in suis negotijs:
vtierant, cùm venit Diluuium tempore Noë,
incipient alterari motus rotarum Orologij hu-
ius Vniuersi, scilicet Cælorum, cum ingenti, &
formidabili strepitu . Sol, & Luna obscurabun-
tur . Stellæ cadent de Cælo . Elementa, quæ
sunt velut quatuor humores corporis huius Mun-
di, inquietabuntur, & turbabuntur, sicut inquietari,
& turbari solent quatuor humores humani
corporis, quando est morti propinquum . Erunt
in aere tempestates furiosæ cum fulguribus, ton-
itruis, atque fulminibus tremendis, adeòque
validis ventis, vt montes transferant . Mugiet
terribiliter Mare: transgrediensque suos limites,
loca circumuicina submerget . Terra ita vehe-
mentibus terremotibus concutietur, vt vrbes in-
tegræ subruantur . Animalia puida current ad
homines pro refugio . Et homines præ timo-
re arescentes current pro eodem ad specus ani-
malium .

Geret se Deus in illà die sicut homo zelotypus, & honoratus. Qui redux ex absentia longà reperit, quòd sibi sua vxor non fuit fidelis. Nec in eam tantum suam emouet iram, sed etiam in vtensilia cuncta, quæ suæ iniuriæ instrumenta fuerunt, confringens, destruens, & cremans illa. Sic Deus non tantum contra peccatores, sed etiam contra cæteras creaturas, quibus ij sunt vsi ad peccandum, suam tunc exercebit indignationem.

Ista est illa dies, quæ appellatur à Prophetis dies tribulationis, & angustia; dies calamitatis, & miseria; dies tenebrarum, & caliginis; dies nebulæ, & turbinis; dies tubæ, & clangoris. Demum dies Domini magna. Cæteræ dies sunt dies hominum: quippe qui eas impendunt secundum beneplacitum suum. At illa dies erit Dei, in qua aperiendum est immensum stagnum infinitæ patientiæ eius, vt inde summo impetu exeat rapidus torrens iræ diuinæ, quam ibi consue thesaurizarunt peccatores, vt inquit Apostolus, ad eos cum omnibus suis rebus inundandos, & obruendos. Timeamus nunc illum, ne tunc cum reprobis suis fluctibus obuoluamur.

Post hætenus commemorata mittet Deus ignem illum, de quo Scriptura sacra loquitur varijs in locis. Quo totus globus huius Mundi circumquaque operietur; sicut opertus est aqua, cum fuit immersus Diluuio vniuersali. Vnde,

E

bre-

breuissimo tempore cuncta, quæ in eo tunc erunt, comburentur, & in cinerem conuertentur. Campi cum suis arboribus, & herbis. Ædificia cum suis utensilibus, & diuitijs. Et cum ijs omnes homines, qui vixerint tunc. Cum igitur hæc omnia dissoluenda sint (concludit, S. Petrus) quales, oportet, vos esse in sanctis conuersationibus, & pietatibus, expectantes, & properantes in aduentum diei Domini?

Secundum punctum erit, considerare, quomodo, purgato iam Mundo per ignem, audietur vbique Tuba illa sonora, cuius Scriptura meminit. Et vox illa Angeli annuntians vniuersalem Resurrectionem, dicendo. Surgite mortui, venite ad Iudicium. Mox cineres cum materijs primis omnium corporum hominum congregabuntur ministerio Angelorum in Valle Iosaphat, vbi futurum est Iudicium, & ibi virtute diuinâ ex eis formabuntur denuo corpora eadem: pariterque adducentur animæ vndecumque fuerint, vt vnaguarque in suum corpus introducatur.

Hic ponderabo, quo' horrore anima Dam-nati suum corpus aspiciet, & quod colloquium cum eo habebit. Veni, inquit, maledictæ. Nam, siquidem ego damnata sum; quia consensisti tuis appetitibus bestialibus, iustum est, vt sis particeps pœnæ, qua proportionem fuisti particeps culpæ. Tu sis maledicta, poterit corpus respondere. Nam, cum esses libera, & domi-

na,

na, possetque me refranare frano rationis, id non præstitisti. Eamus igitur ad patiendum. Nam quò tua augeatur pœna, ego meam partem tolerabo. E contra verò anima Prædestinati cum quo gaudio intrabit in corpus suum: & quàm dulciter colloquetur cum illo? Vnitis animabus corporibus suis, corpora Damnantorum fœdissima, & horribilia euadent. Prædestinatorum verò pulcherrima, & gratiosissima: onorataque insuper quatuor dotibus gloriæ, Claritate, Impassibilitate, Subtilitate, & Agilitate. Vna ex his fortibus est mihi necessario obuentura. Et modò est in potestate meà eligere fœlicem.

Post hæc secundum Scripturas Angeli separabunt malos de medio iustorum; & illis pondere suo hærentibus in terrà, hi suà agilitate rapiuntur obuiam Christo in aera. Ponderabo diuersitatem affectuum vtrorumque, in statibus tam diuersis, dolorem, & inuidiam malorum; gaudiumque, & lætitiā iustorum. Iterumque supra me reflectens, & certa fide credens, me futurum ex alterutrà earum classium, curabo ità viuere nunc, vt sim ex bonà tunc.

Tertium punctum. Rebus ita dispositis, aperientur Celi, & descendet Filius Dei cum potestate magna, & maiestate, & omnes Angeli cum eo. (Quos, valde est probabile, assumpturos illà die pulcherrima corpora, vt cunctis ho-

minibus fiant visibiles) Eorumque speciosissimum comitatum præcedet tanquam vexillum Crux Redemptoris. Ad cuius aspectum omnes plangent, ut dicit Euangelium. Mali quidem præ dolore, & angustia, videntes se in tam misero statu; quia fugerunt ab illa. Boni autem præ deuotione, & gaudio, videntes se in tam glorioso; quia illam amplexi sunt. Ita Rex Gloriæ in Terram descendet; non ut primæ vice factus puer, brachijs ligatis vilibus fascijs: sed factus Leo Iuda, districtum gladium portans Iustitiæ suæ in manu suæ Omnipotentia. Non tanquam mitis Pastor quærens ouem amissam. ut eam ferret in humeris; sed tanquam rigorosus Index condemnans illam, ut tradat Lupis infernalibus.

Qui accedens ad Terram in conueniente, distantia ab illa suum figet Tribunal ex nube candida formatum, ut illud vidit S. Ioannes. Ad cuius latus dextrum collocabit suam Sanctissimam Matrem: ad sinistrum autem Apostolos, & alios viros Apostolicos, qui, relictis omnibus, sequuti sunt eum in paupertate, castitate, & obedientia, ut ipsum veluti Assessores ad alios iudicandum iuuent: uti eis promisit in suo Euangelio. Quam erit tunc honorata virtus: & quam despecta vitia!

Quartum punctum erit, aspicere, quomodo aperientur libri illi, quos etiam vidit S. Iohannes, in quibus omnia opera bona, & mala omnium

Iu-

Iudicandorum scripta apparebunt . Per hos libros repræsentantur conscientia omnium : quæ tunc diuinâ virtute omnibus ita patefient , vt vnusquisque omnia opera bona , & mala facta , in hoc Mundo tum à se tum ab alijs clarissimè cernat . Quale tunc dedecus , qualem ignominiam , & confusionem patientur Mali ; cum videant cunctis manifesta omnia sua , quantumuis occulta , peccata ? E contra verò quali decore , quali honore , & lætitia afficientur Boni ; cum videant pariter cunctis conspicua omnia sua , opera honesta ? Quandoquidem solus est verus honor , qui ex virtute , & solum dedecus verum , quod ex vitio capitur : & ibi omnia sunt apparitura , & æstimanda , vt verè sunt .

Mox Iudex affabili , beneuoloque aspectu ad suos se Prædestinatos conuertet , & eis gratias agens pro omnibus , quæ propter ipsum in hoc Mundo , & operati , & passi sunt , debitum eis conferet præmium illis verbis dulcissimis Venite Benedicti Patris mei , possidete paratum vobis Regnum à constitutione Mundi . Quam in ipsis gignet lætitiâ hæc sententia ? Quam mutuam gratulationem ? Quos mutuos amplexus ? Quam erga suum Iudicem gratitudinem ? Hæc profunda sunt potius consideratione æstimanda , quàm verbis exponenda .


Postea reuersus Iudex ad Reprobos , & arguens eos Christianos præsertim , obijciat , quanta pro illis egit ; & quàm malè ipsi rependerunt .

Quomodò creauit eos ex nihilo, & ordinauit ad sublimissimum, non minùs, quàm Gloriæ suæ, finem. Quomodò, vt illam eis lucraretur, factus est homo, & suam prætiosissimam vitam cum morte acerbissima commutauit. Quot media eis præbuit, vt illam ipsi suis meritis compararent; Sacramenta, Doctrinam, Exhortationes, Exempla, Auxilia, inspirationes, &c. Totumque perdidit, vt suis passionibus inordinatis obedirent, dando re ipsà plus fidei Dæmoni suo inimico; quàm suo Redemptori, ac Patri amantissimo. His cuncti manebunt conuicti: nec quidquam poterunt respondere. Statimque Iudex indignabundus vultu adeò seuro, vt faciat tremere Cælum, & Terram, proijciat ex ore, vti Daniel vidit, illud flumen ignis, illam scilicet sententiam finalem, & sine appellatione. Discedite à me Maledicti in ignem æternum, qui paratus est Diabolo, & Angelis eius. Quàm durum, quàm penetrans hoc telum erit ab Omnipotentia Dei iaculatum in ea corda carnalia? Quomodò sentient? Quomodò sufferent? Quid dicent? Illud Sapientiæ. Ergo errauimus a viâ veritatis, & iustitiæ lumen non illuxit nobis, &c.

Illico pro exequenda sententia, quemadmodum hîc Dammati ab Inquisitione traduntur Brachio sæculari: ita ibi Dammati à Iudice diuino tradentur Dæmonibus, vt veluti famelici Lupi pro suo iam beneplacito cibentur illis

lis ouibus perditis. Quas aduncis igneis tra-
 hent ad foramina, quæ facta erunt in terrâ; per
 eaque illas præcipitabunt in Infernum, ac tan-
 dem simul cum illis sese proijcient in illum te-
 trum carcerem: claudenturque illæ ianux, ac
 sigillatæ decreto Dei manebunt in æternum, iam
 numquam amplius aperiendæ. O peccata quàm
 longos funes malorum texuistis! O creaturæ in-
 felicissimæ creatæ ad tanta mala! Hic demum
 considerabo, quomodo ex his duabus sortibus
 altera mihi necessariò obuentura est: curaboque
 iam, nullà morà interposità, totis meis
 viribus ita viuere, vt mihi obueniat
 bona. Quam, & à Christo
 Domino toto meo conatu
 petam, factò Collo-
 quio. Pater
 noster.

* * *





Quis habitabit ex uobis cū ardorib⁹ sēpiternis. Is. 33.

EXERCITIVM V.

73

De Inferno.

DEscendant in Infernum (dicit Bernardus) consideratione viuentes; ne ipsà re descendant morientes. Quia nihil est, quod sic refranet mortales, ne se præcipitent in culpas; vti consideratio penarum, quibus se exponunt propter illas. Id igitur in hoc Exercitio agendum nobis est.

In quo Oratio præparatoria erit solita. Compositio loci. Magna concauitas mente considerata, quæ reuera est in centro Mundi, plena igne sulphuris, quo Dammati submersi sunt vti in profundo maris pisces submersi sunt aqua. Petitio autem. Postulare à Deo viuendum cadendi in eum locum timorem; vt quando à cadendo in peccatum non me deterreat amor, deterreat saltem timor.

In primo puncto considerabo pœnam Damni, quæ consistit in priuatione Gloriæ, quæ Dammati carent. Et, vt docet S. Thomas, est pœnà infinita: quia priuat bono infinito, quale Deus est, & possessione, quæ ipsum possident Beati. Vnde ait Chrysostomus, mille ignes Inferni simul iunctos non fore tantæ pœnæ Dammati, quantæ est priuatio Dei. Quoniam Deus est centrum animæ, ad quem ea habet post hanc vitam inclinationem incomparabiliter

ma-

maio- rem, quàm habent cæteræ res ad suum centrum, & membra eiusdem corporis ad mutuam vnionem. Atque ita non potest non illa pati violentiam, ac dolorem de sui à tali centro æternâ auulsione incomparabiliter maiorem, quàm patiuntur membra eiusdem corporis, quando ab se inuicem auelluntur: & quam paterentur saxum magnum, & ignis, si sensum haberent, quando violenter impediuntur, ne ad sua centra perueniant. Quod si in hac vitâ tam ægrè ferre solent homines inexpectatam iacturam alicuius magni boni temporalis, in quod tendebant: qualiter ferent Dammati iacturam irremediabilem summi, & æterni Boni, ad cuius amabilissimam possessionem creati fuerant?

Ad hanc pœnam damni pertinent etiam ignominiosum exilium, quo Damnatus mittetur exul in perpetuum à Patria Cœlesti amabilissima ad Infernalem regionem horribilissimam. Infamia, qua per totam Æternitatem à consortio Ciuum Cœlestium tanquam excommunicatus, & maledictus separatus manebit. Commutatio æterna conuiuiorum, dulcissimæque saturitatis, ac cæterarum deliciarum gloriæ cum fame, sitique insatiabili, ac cæteris tormentis Inferni. Demum inuidia, quam habebit de immenso cumulo bonorum, quo fruuntur Beati, & ipse pariter consequi potuit, suæque culpâ amisit. Quæ omnes acerbissimæ pœnæ erunt.

Se-

Secundum punctum erit de pœnis, quas
 Damnatus passurus est à loco, in quo est extit-
 turus, & à consortio cæterorum habitatorum
 eius. Qui quidem locus velut stagnum est igne
 sulphuris plenum, vt dicitur in Apocalypsi; cu-
 ius crudelis potentia, vt ait Augustinus, nullis
 verbis exprimi potest. Comburit enim, & non
 lucet; cremat, & non consumit; penetrat inti-
 mè animam, & corpus Dammati; habens de
 igne totum, quod pœnam, & nihil, quod leua-
 men inducit. Præter tormentum autem huius-
 modi ignis, & fumi intolerabilis eius (quod
 solum esset satis) tot insuper alia erunt in eo
 formidabili loco, vt sacra Scriptura ad illa si-
 gnificanda dicat, fore in Inferno famem, sitim,
 planctum, stridorem dentium, gladium vtri-
 que acutum, spiritus tempestatum, vermes; ser-
 pentes, scorpiones, malleos, absinthium ama-
 rum, aquam fellis, &c. En Domicilium. En Pa-
 latia magnifica, quæ Deus præparata habet pro
 illis quorum superbiæ non sat fuit Mundus, &
 quorum impietas non habuit finem. Vbi, vt
 ait Isaias, nec deerit nutrimentum ignis, nec
 flatus Domini, sicut torrens sulphuris succen-
 dens eum.

Iam verò habitatores eius loci, qui, & qua-
 les erunt? Dæmones inprimis hominum sæ-
 uissimi hostes, & ibi carnifices cruentissimi: qui
 varijs tormentorum generibus illos cruciabunt,
 satiantes desideria famelica, quibus semper il-

lo-

lorum mala desiderarunt, & in hac vitâ suis
tentationibus enixè procurarunt. Erunt dein-
de alij damnati vicissim sui ipsorum carnifices,
quatenus sese vicissim varijs modis vexabunt,
propter ingens odium, quo sese vicissim prose-
quentur. Ibi enim, perditis legibus rationis, nec
erit filius pro patre, nec pater pro filio, nec fra-
ter pro fratre, nec amicus pro amico: cùm po-
tius ibi motiua futura sint odij, quæ hic fuerant
amoris, præsertim inter illos, qui consortes fue-
runt in culpis. Quòd si hîc tam intolerabile
est, habitare simul in eadem domo ad breue
tempus cum aliquibus, quibus cum mutuum
odium habemus; quàm intolerabile erit, habi-
tare cum tam multis in eodem Inferno ad infi-
nibilem æternitatem? O locus miseræ, & tene-
brarum: vbi nullus ordo, sed sempiternus hor-
ror inhabitat! vt dicitur in Iob. Quis habitare
in te non timet?

In tertio puncto discurrendum est per tor-
menta, quæ Dammati passuri sunt in singulis
sensibus corporis, & potentijs animæ, quæ velut
instrumenta fuerunt suorum peccatorum. Nam
vt dicitur Sapient. II. Per quæ peccat quis, per
hæc, & torquetur.

Sensus visus torquebitur luce illa malignâ
ignis Infernalis. Quæ, vt ait Gregorius, cùm
inepta sit ad præbendum solatium, sufficiens
erit ad videndum, quæ præbebunt horrorem;
figuras scilicet, quas Demonia assument Leo-
num,

num, Tigrium, Vrforum, Serpentum, Draco-
num, aliarumque ignearum bestiarum: fedissi-
ma iam tum omnia corpora Damnatorum: &
alia, quæ in eo carcere teterrimo erunt horribi-
lissima.

Auditus torquebitur continuo illo Infer-
nialium Malleatorum strepitu: rabiosis aetibus,
planctis, lamentis, clamoribusque Damnatorum:
querelis, blasfemijs, maledictionibus: alijsque
ingratissimis, ac inordinatissimis sonibus. O
prorsus horrenda, atque formidanda confusio!

Olfactus torquebitur intolerabili foetore
tanti ignis, & fumi sulphuris: foetore horribili
tot corporum Damnatorum, qui totidem ca-
num mortuorum foetore longè grauior erit; eo-
rumque strictè coniunctorum in loco nullam
habente respirationem.

Gustus torquebitur perpetuà fame, sitique
rabiosa, in quarum leuamen dabitur miseris Da-
mnatis pro cybo absynthium, pro potu autem
aqua fellis, ut dicitur à Ieremia; alijsque cibi, &
potus abominabiles, & horribiles à Dæmoni-
bus adinuenti ad illos vexandos.

Tactus, qui in toto corpore residet, tor-
quebitur ab igne illo sulphureo, quo Damnatus
totus submersus erit. O amens peccator! Si
hîc non potes sufferre, ut vel vnum digitum
tuum tangat flamma lucernæ per breue tem-
pus; quomodo ibi sufferes, ut te totum à capi-
te ad pedes tangat flamma Inferni, tanto cru-
de-

delior, per integram æternitatem ? Accedent alia tormenta, quibus Demonia Tactum cruciabunt, flagrorum, gladium, rotarum, &c.

Sensus internus torquebitur vehemente apprehensione dolorum, quæ fixa in illis grauior- res faciet; tristissimisque, & horribilibus phantasmatibus, quæ semper imaginabitur, & in sese reuoluet. Appetitus sensitivus erit mare quoddam tempestuosum desideriorum non implendorum, merorum, afflictionum, & angustiarum. Intellectus erit plenus erroribus; hebes pro cæteris, & solum perspicax ad percipiendam magnitudinem tum pænæ Inferni susceptæ iam, & nunquam finiendæ, tum gloriæ Celi amissæ iam, & nunquam recuperandæ. Voluntas erit obstinata in malo: anxia semper pro bonis, quæ non potest consequi, & à malis, quæ non potest vitare: atque ita prorumpens in iram, impatientiam, furorem, & desperationem. Luitur enim ibi desperatione æternâ temeraria spes Peccatorum. Nemo peccet subnixus spe obtinendi veniam: nam spes hæc tenet Infernum Damnatis plenum.

Memoria, etsi alijs potentijs simplicior sit, erit origo maioris Damnatorum pænæ: siquidem in eâ gignendus, nutriendus, & fouendus est edax ille conscientix vermis, de quo dicit Scriptura sacra, quod non morietur. Estque pœnitudo quædam rabiosa, desperata, & infructuosa, quam semper habebunt Dammati; me-

mo-

mores temporis præteriti, opportunitatumque, & occasionum, quas in illo habuerunt ad præcauenda immensa mala, quæ patiuntur, & acquirenda bona infinita, quæ amiserunt: quomodò habuerunt id in manu, & libertate sua; quàm facile exequi, & obtinere potuerunt, & suâ culpâ omiserunt, & neglexerunt; quomodò iam præterijt occasio, & iterum ampliùs nunquam redibit. Hic erit dolor, qui continuò corda illorum discerpet tantâ crudelitate, quanta mente quidem comprehendì, nedum verbis exprimi potest.

Quartum punctum erit considerare, quomodò omnia commemorata tormenta, nec finem, nec leuamen, nec interruptionem sunt habitura. Non sunt habitura finem: quia sunt æterna; atque adeò tandiu duratura, quandiu Deus est duraturus. Nam vt Gregorius dixit. In Gehenna miseris erit mors sine morte, & finis sine fine: quia mors semper uiuit, & finis semper incipit. O miser status! In quo maius esset præmium, quod hìc maior pœna est maioris delicti, nempe mori, & desinere esse. Quod anxie optabunt semper Damnati, & nunquam obtinebunt, prout dicitur in Apocalypsi. Quia ij sunt æterni, carcer est æternus, ignis est æternus; carnifices sunt æterni, & decretum Dei de illorum cruciatu æterno est æternum. O Eternitas, quis non te timet!

Verum, vt Æternitatis, quæ verbo vnico
pro

profertur, aliquem formemus conceptum, extendamus imaginationem ad cogitandum quosuis numeros finitos annorum maiores, & maiores, depræhendemusque, post eos omnes iam præteritos, adhuc integram æternitatem superesse. Tot milliones annorum, patiente semper Dam nato, sunt transitori, quot aquæ guttæ à Mundi initio ceciderunt in terram; & vsque ad finem cadent, vnà cum ijs, quæ componunt omnia flumina, & maria. Tot, quot fuerunt, & erunt folia in omnibus arboribus, & herbis Mundi. Tot, quot atomi sufficientes essent ad replendam, & solidandam totam spheram Firmamenti. Tot denique, quot numerari possent omnibus characteribus implentibus chartam, quæ im pleret totam ipsam spheram. Et post tot, tan tosque numeros annorum transactos tormenta Dam nati sunt incæptura, ac si esset eorum pri ma dies (quia adhuc ex tunc futura æternitas manebit integra). Idque sine leuamine vllò, sine vlla interruptione. Quia tormenta illa nec tempore inueterascunt, nec vsu minuuntur, nec consuetudine mitefcunt. Quis igitur per tam æternam durationem tam immutabilem continuationem tam horribilium malorum sus ferre poterit?

Ex omnibus dictis in hoc Exercitio con cluditur cum omni euidentiâ, damnationem hominis ad Infernum rem esse adeò horribi lem, adeò formidabilem, & adeò tremendam,

vt,

vt, licet vnicus tantum hominum fuisset dam-
 nandus, omnes deberemus viuere continuo cum
 pauore, & tremore tam infœlicis fortis. Cum
 igitur tot sint, qui damnantur, vt dixerit Sapiens,
 Stultorum (quales sunt damnandi) infinitum
 esse numerum. Et Christus Veritas æterna scri-
 ptum reliquerit nobis in suo Euangelio. Quod
 arcta via est, quæ ducit ad vitam, & pauci sunt,
 qui inueniunt eam. Quod vocati multi sunt,
 pauci verò electi. Quod grex Electorum est pu-
 fillus comparatione multitudinis Reproborum.
 Et omnes ad vnum viuamus inter innumera pe-
 ricula nostræ condemnationis. Quomodo non
 timemus? Quomodo non tremore continuo diu,
 noctuque concutimur? Quomodo nos sollicitu-
 do continua de nostrâ sorte æternâ non angit?
 Deus per suam misericordiam nobis aperiat o-
 culos, & suo sancto timore corda configat. Pa-
 ter noster. Hucusque Exercitia primæ Hebdo-
 madæ S.P. Ignatij.





Exeam. ad eū extra castra in propriū ei' portantes. *Hebr.*

EXERCITIVM VI.

De Expugnatione Regni Christi.

Quemadmodum Deus misit Moysen in Ægyptum non tantum, ut liberaret Populum Israel à captivitate Pharaonis, redimendo illum tot prodigijs; sed etiam, ut sua doctrinà, & exemplo duceret ipsum per desertum Palestinæ ad Terram promissam. Ita misit Unigenitum suum Filium Christum Iesum in hunc Mundum non tantum, ut liberaret homines à captivitate Satanæ, redimendo illos suo sanguine, & morte prodigiosa; sed etiam, ut suà doctrinà, & exemplo duceret ipsos per desertum huius vitæ ad Cælum promissum. Ad meliusque peragendum hoc iter inspiravit S. Ignatio hæc Exercitia. Nam in primâ eorum Hebdomadâ, quæ correspondet Viæ purgatiuæ, docemur, quomodo liberandi sumus à captivitate Satanæ mediâ verâ pœnitentiâ peccatorum nostrorum. In secunda autem, & tertiâ, (quæ correspondent Viæ illuminatiuæ, quomodo ambulare debemus, sequentes Christum ad consequendam in hac vitâ unionem cum Deo, (de qua agitur in quartâ Hebdomadâ correspondente Viæ unitivæ,) & in alterâ cum magnis augmentis Gloriam æternam nobis promissam.

Accedentes igitur ad secundam Hebdomadam, in hoc Exercitio reducemus ad quatuor

puncta quatuor meditationes, quas S. Ignatius inter alias de vita Christi posuit in illa. Et sunt veluti nerui, siue tota substantia eius.

Oratio præparatoria erit, quæ semper. Compositio loci. Considerare Christum D. in tribus annis vltimis vitæ suæ prædicantem per Ciuitates, Castella, & Sinagogas, docentemque omnes viam Cœli verbo, & exemplo. Petitio autem erit. Vt ego suam vocationem audiam, promptèque sequar, & perfectè imiter ipsum.

In primo puncto. Primò concipiendus est Rex temporalis electus à Deo, (cui Christiani omnes obediunt) præditus omnibus prærogatiuis, & dotibus, quæ excogitari possunt: sapiens, prudens, fortis, magnanimus, opulentus, liberalis, amator Subditorum, & qui non propria, sed eorum bona optat, & quærît. Qui quidem omnibus ad suam præsentiam vocatis ita loquitur. Subditi mei Ego decreui omnibus Infidelibus bellum inferre, vt eos ad Ecclesiam traham. In qua expeditione vellem, vt omnes me sequamini. Supponendo, quòd ante omnes Ego futurus sum primus in sufferendis belli incommodis in itineribus, in laboribus, in noctis vigilijs, & diei ardoribus, in fame, & siti, tandemq; in inuadendis hostibus, & eorum ictibus sustinendis. Et tamen ex victoriarum spolijs, quæ multa erunt, nihil mihi volo, omnia inter vos sunt diuidenda: eòque maiorem quisque partem accipiet, quò propius me comi-

tatus,

tatus, atque imitatus fuerit. Quid æquum esset, ut responderent boni subditi ad talem talis Regis propositionem? Omnes haud dubie ad illum in tam gloriosâ expeditione sequendum, promptissimo animo se offerrent. Quod si quis non faceret, iure à cæteris ut peruersus, infamisque vituperaretur.

Ad similitudinem eiusmodi Regis temporalis considerandus est nobis Rex æternus Christus D. Filius Dei vnigenitus, atque adeò ipsi consubstantialis, æqualisque in omnibus attributis. Qui descendit de Cælis ad expugnandum hominibus Regnum æternum gloriæ, conuocans omnes, ut ipsum in hoc bello sequantur, & imitentur: volens ipsemet esse primus in sufferendis pugnæ laboribus, & excipiendis aduersariorum telis: nec tamen quidquam sibi volens assumere de victoriæ spolijs; sed, ut omnia inter suos fideles milites cum proportione distribuantur, iuxta vniuscuiusque maiorem, aut minorem fidelitatem, strenuitatemque in dimicando. Quis igitur Christianorum non sese promptissimè offeret ad dimicandum cum Christo in prælio tam glorioso, & proficuo? Nullus profectò, qui polleat iudicio, ac ratione. Si enim tam irrationabile, tamque vituperabile esset, non sequi Regem illum temporalem in expugnatione Regni terreni parui momenti, & citò amittendi; quàm irrationabile erit, non sequi Regem hunc æternum.

in expugnatione Regni Cœlestis summi momenti, & sine fine possidendi? Quò argumento cunivētus firmum propositum concipiam, sequendi, & imitandi Christum quam propius, & perfectius possim. Quod fructus huius puncti est.

Secundum punctum erit. Considerare duos Duces inter se oppositos omnino, Luciferum, & Christum: & quòd vnusquisque vocat homines, vt sub vexillo suo militent. Luciferum considerabo in Campo Babiloniæ, quæ significat confusionem, super magnam cathedram ignis, cum horribili, & formidabili figurâ ex se emittem circumquaque scintillas, & fumum. Et quòd turbatâ, immoderatâque voce conuocat omnes Dæmones: & dicit illis. Milites mei voluntas mea, est vt omnes homines trahamus ad nostrum Regnum. Quare dispergimini per vniuersum Mundum, tenditeque vbique retia, & laqueos ad eos capiendos. Nec relinquatis vllum, quem non tentetis. Primò mediâ cupiditate, & appetitu diuitiarum. Secundò mediâ ambitione, & appetitu honorum. Tertiò mediâ superbia vitæ. Vnde eos deijcietis in Luxuriam, & alia vitia.

E contra considerabo Christum Dominum in Campo Hierusalem, quæ significat visionem pacis, in loco humili, cum facie affabili, & beneuolâ. Et quòd voce leni, & suauiter conuocat omnes suos Christianos, & dicit illis, vt

eant

cant in vniuersum Mundum , hortenturque omnes ad contraria eis , ad quæ Dæmones exhortant . Nimirum ad contemptum diuitiarum , & amorem paupertatis . Ad contemptum honorum , & amorem ignominia . Ad humilitatē cordis . Indequē ad odium delectationum carnis , cæterasque virtutes .

Per hanc considerationem primò manifestantur hostes , cum quibus gerendum nobis est hoc bellum ; in quo Regem nostrum Christum debemus sequi , & imitari . Qui quidem non sunt alij , quàm inordinati nostri appetitus diuitiarū , honorum , & voluptatum . Quanquam enim tres recensentur inimici animæ nostræ , Mundus , Dæmon , & Caro ; Mundus tamen , & Dæmon non alijs armis militant contra nos , quàm nostrorum appetituum carnalium , diuitiarum , honorum , & voluptatum . Quibus proinde debellatis , omnes inimici nostri subiacent debellati .

Secundò deteguntur duæ regulæ discernendi spiritus , quas postea posuit S. Ignatius inter alias : per quas noscemus , à quo spiritu nascitur motus internus , quem sentit anima . Si enim venit cum inquietudine , turbatione , & obscuritate , signum est , quod à malo spiritu nascitur . Id enim significant illa inquietudo , turbatio , & fumus , cum quibus in illà cathedrā ignis considerauimus Luciferum . Si verò è contra venit cum tranquillitate , pace , suauitate , & luce interiore , signum est , quod nascitur à bono spi-

ritu, significato per aspectum pacificum, affabilem, & beneuolum, cum quo considerauius Christum. Similiter, si motus internus inclinat nos ad bona terrena, diuitias, honores, & voluptates, à malo spiritu ducit originem. Sicut è contra à bono, quando inclinat nos ad contemptum bonorum terrestrium, æstimationemque Cœlestium, & virtutum, quibus illa obtinentur.

Modò, quandoquidem sum Christianus, atque adeò miles per Baptisum sub vexillo Christi assignatus, respiciens retro examinabo, quomodò ad eius imitationem pro Cœlo expugnando dimicaui contra eos hostes, contra quos agitur hoc bellum, meos scilicet inordinatos appetitus opum, honorum, & voluptatum? Quomodò obseruaui leges militiæ? Nimirum, nunquam pauidus retrocedendo; semper impavidus vnus è primis impetendo aduersarios; & horum me telis exponendo, vt meum ab illis Regem defenderem. O quantum hic repariam, ob quod confundar! Quantum, ob quod iure timeam, nihil me de spolijs victoriæ habiturum, sed eorum loco grauem infamiam, & supplicium! Si enim in bello temporali dignus esset graui supplicio, & ignominia miles ille, qui tempore inuadendi inimicum verteret terga, & fugeret, & multo magis, qui vice defendendi suum Regem, in ipsum conuerteret arma, ad castra inimici se recipiens. Ego, qui

in

in hac spiritali militia toties terga verti, & ab inimicorum meorum prælio fugi, quoties morem gessi meis appetitibus opum, honorum, & voluptatum: & toties in Regem meum arma conuerti, quoties eis obsequens peccaui. Quid spero? Qua cum facie accedam ad tremendum Tribunal mei Regis, & Iudicis, quando diuidentur spolia victoriæ, (quod fit in hora mortis) petens mihi partem eorum: cum sciam iam esse pronunciatum à Paulo. Non coronabitur nisi qui legitime certauerit. Hoc est, obseruando leges Militiæ?

In tertio puncto. Considerabo tres classes hominum, siue tres homines. Qui omnes) post acquisita decem millia ducatorum à singulis) desiderant saluari, & pacem animæ reperire, sublato inordinato affectu pecuniæ acquisitæ. Sed cum hoc discrimine. Quod primus ad talem finem media necessaria non ponit, sed differt de die in diem vsque ad mortem. Secundus ponit quidem aliqua media, determinatus tamen semper ad non relinquendum suam pecuniam, sed seruiendum Deo cum illà. Tertius est indifferens ad suam pecuniam relinquendam, vel retinendam, prout intellexerit fore maius seruitium Dei. Ex his primus in periculo viuit non consequendi finem ex defectu mediorum. Secundus debitum ordinem peruerit, volens, vt finis se accomodet medijs, & non è conuerso. Tertius habet dispositionem

de

debitam. Et hunc debeo imitari, si volo à me tollere inordinatum affectum cuiusuis boni temporalis, reducens me ad totalem differentiam illud assumendi, vel relinquendi, prout iudicauero, magis expediens fore ad Dei obsequium, & mei ultimi finis consecutionem.

Quartum punctum erit. Considerare tres gradus humilitatis, siue tres status virtutis. Primus est eorum, qui nec propter omnia, quæ sunt in Mundo, nec propter propriam vitam committent vel vnicum peccatum mortale. Secundus est eorum, qui ad tantam sunt iam reducti indifferentiam habendi, vel non habendi quodlibet bonum temporale, vt propter nullum, etiam vitam propriam, cum aduertentiâ committent vllum peccatum veniale. Tertius, includens alios duos eorum est, qui parem gloriam Dei intuentes in alterutro extremo, ad maiorem imitationem Christi eligunt potius paupertatem, quàm diuitias, potius contemptum, quàm honorem, potius dolores, quàm voluptates. Hic est gradus summus perfectionis, ad quem per puncta huius Exercitij gradatim, nos docet ascendere S. Ignatius. Qui tandem monet, ad talem ascensum valde adiuuare, si in quouis casu dubiæ electionis enixè petamus à Deo, vt disponat nobis illud extremum, quod nostræ sensualitati magis contrarium est; vti sunt paupertas, ignominia, dolores, & aliæ pœnalitates, quibus magis affimilemur Christo D. eius

eius vestes, & insignia induentes: quandoquidem illa ipse propter maiorem profectum nostrum spirituales induit; nobisque exemplum dedit, vt in omnibus, quoad eius fieri poterit, cum imitari, & sequi velimus: cum vera sit via, quæ ducit homines ad vitam. Hic sunt facienda tria colloquia. Primum cum Sanctissimâ Virgine petendo, vt impetret nobis perfectam sui Filij imitationem; secundû cum Filio; & tertium cum Patre, petendo vt eam nobis concedant. Quæ suo ordine cum Ave Maria, Anima Christi, & Pater noster, terminabuntur.

Ad extremum huius Exercitij oportet advertere. quatuor eius puncta, quo ordine disposita sunt, velut totidem gradus esse, per quos S. Ignatius miro magisterio ducit eum, qui se exercet, ad perfectam eam dispositionem animi, quam debet habere ad faciendas bonas, & sanas electiones in omnibus rebus, & actionibus, quæ subsunt suæ libertati; prout explicabitur in Exercio sequente.

* * *



Proposui in conspectu tuo vitam, & mortem. Dent. 32

93
DE BONA, ET SANA

Electione.

Illud est inter hominem, & bestiam discrimen, quòd bestia regitur passione, seu appetitu naturali: homo verò titulo rationalis ratione dumtaxat regi debet in omnibus rebus, & actionibus, quæ subsunt suæ libertati. Et quoniam in Christiano, in quo Fides supponitur, ratio dicat, ut posità totà suà attentione, & intentione in fine, ad quem creatus est, id solum amplectatur, quo magis est iuuandus ad illum consequendum, & consequenter, ut nihil amplectatur, quod malum moraliter sit, quia hoc potius impedit, quàm iuuat; & ex bonis semper amplectatur melius, quod iuuat magis. Consequens est, ut in omni probo Christiano propositum efficax stabilitum iam firmiter esse debeat fugiendi semper, quod est malum, & ex bonis amplectendi semper, quod est melius. Quod propositum fructus est, qui ex præcedentibus Exercitijs collectus esse debet.

Vnde sequitur, id, quod aperte est malum, & ex bonis id, quod aperte est melius, non esse materiam electionis, nec deliberationis. Quia iam supponitur, iuxta rectam rationem, primum fugiendum, & secundum amplectendum esse citra omne dubium.

Cæterum, quia inter extrema de suo bona,

quæ

que occurrere possunt, ad alterutrum assumendum, vel relinquendum, siue ratione substantiæ, siue accidentium, siue circumstantiarum loci, temporis, personæ, &c. dubitare potest homo, quodnam eorum sibi sit melius, & aptius ad consequendum suum finem, maioris scilicet obsequij Dei, perfectionis, & saluationis: in ijs euentibus habet locum deliberatio, & electio: pro ijsdemque habet vsum Exercitium de bonâ, & sanâ Electione. Quod nobis reliquit scriptum S. Ignatius.

Primum, & præcipuum, quod cadit sub electionem, est status vitæ perpetuus in eo, qui nondum assumpsit illum; à cuius bonâ, & sanâ electione, conformique voluntati Dei vita proba, & bene ordinata sæpe dependet; &, quod plus est, salus æterna, Nam in eo statu; in quo Deus vult, vt ipsi seruiam, potius, quàm in alio, habet mihi præparata auxilia efficacia gratiæ, cum quibus ipsi sum seruiturus. Et licet omnes status in Ecclesiâ approbati, vt Matrimonialis, Ecclesiasticus, Religiosus, sint boni in se, non tamen omnes mihi sunt boni: sicut cibi, estò omnes sint boni in se, non omnes omnibus stomachis congruunt; nam qui pro alijs sunt sani, pro alijs sunt noxij; & qui pro alijs sunt minus boni, pro alijs sunt meliores. Vnde patet, quanti momenti sit circa statum vitæ considerata, matura, & rectè deliberata electio. Ob cuius defectum proculdubio multi post

vitam inquietam, ingratam, ac moleſtam, per-
derunt ultimum finem, ad quem fuerant creati.

Secundum, quod cadit ſub electionem, eſt
reformatio ſtatus in eo, qui iam illum habet,
quoad particularia, quæ ad ipſum pertinent.
Vt ſi expedit tot, ac tales ſervos habere, vel
plures, vel pauciores: tot ac tales expenſas fa-
cere: tot ac tales dare eleemoſynas. Pariter-
que de cæteris.

Tertium, quod cadit ſub electionem, eſt
quævis res alia occurrens de ſuo bona; ſed cir-
ca quam eſt dubium, an ſit mihi magis expe-
diens illam aſſumere, quàm relinquere, vel è
converſo. Vt ſunt officia, beneficia, occupatio-
nes, actiones alicuius momenti, modus ordina-
rius viuendi, diſtributio temporis, &c.

Diſpoſitio requiſita ad bonam electionem
in eo, qui illam talem vult facere, imprimis eſt,
vt, poſità totà ſuà attentione, & intentione in
fine, ad quem eſt creatus, indifferens totaliter
ſit ad aſſumendum, vel relinquendum id, de
quo agitur, prout viderit magis conducere ad
ipſum finem abſque vlllo alio reſpectu. In qua
indifferentià debet ſe ſe conſtituiſſe per Exerci-
tium antecedens. Deinde debet aggredi ele-
ctionem, non quando habet animum inquietum,
turbatum, aut obſcuratum paſſione aliqua, vel
tentatione; ſed quando eum quietum, tranquil-
lum, ac ſerenum habet.

FORMA HVIVS EXERCITII.

O Ratio præparatoria erit consueta . Compositio loci . Ponere ante oculos animæ id, circa quod electio facienda est, referreque duo extrema opposita (assumendi, scilicet illud, aut relinquendi; habendi, aut non habendi) ad finem, ad quem sum creatus, qui est Deo servire, omnimodisque obsequi in hac vitâ; & eodem, frui per æternitatem in alterâ . Petitio autem . Postulare à Maiestate suâ lumen, & gratiam ad eligendum ex propositis extremis illud, quod mihi vtilius futurum est ad talem finem obtinendum .

Primum punctum erit . Considerare in, particulari, quot, & qualia iuvamina, vel contra, quot, & qualia impedimenta vnumquodque ex dictis extremis (habendi, aut non habendi rem, de qua agitur) adferat mihi præcisè ad obtinendum finem, ad quem sum creatus, secluso omni alio respectu . Ijs enim attentè examinatis, & ponderatis, extremum, in quod ratio pura . & libera ab'omni passione, & affectu sensuali magis inclinât, illud mihi eligendum est .

Secundum punctum erit . Supponere, quòd homo aliquis habens præ manibus eandem materiam, quam ego habeo, ad eligendum, consilium à me postularet . Id enim, quod ego, omnibus bene perpensis, illi consulerem,

rem, iudicans fore ad maiorem perfectionem, animæ eius, & gloriam Dei, idem ipsum eligendum, & assumendum mihi est.

Tertium punctum erit. Considerare me in articulo mortis, attentèque animaduvertere, quodnam ex extremis propositis vellem tunc, me elegisse nunc: id enim est, quod nunc eligere, mihi conueniens est.

Quartum punctum erit. Considerare me similiter in hora iudicij ante tribunal Christi iam iam redditurus rationem de omnibus meis electionibus in hac vita factis. Quam enim, tunc vellem, fecisse me nunc in materiâ præsentē, eadem faciendâ mihi est.

Quintum punctum, Facta electione per præcedentia puncta, conuertens me ad D.N. ipsi eam offeram, petendo à Maiestate sua, ut eam acceptet, recipiat, & confirmet. Si enim cum hac oblatione sincerè, & ex corde facta anima mea se sentit quietam, sine scrupulo, & consolatam, argumento erit, quòd electio benè, purè, & sine mixtura alicuius affectionis inordinatæ facta est. Pater noster.

Hoc exercitio claudit S. Ignatius Exercitia secundæ Hebdomadæ.

Hic verò Agens Exercitia monendus est primò. Ne impulsus feruore aliquo spiritus vilo se obstringat voto quidpiam præstandi, nisi postulato antea, & præhabito consilio à Patre spirituali, vel Confessario.

Secundò est monendus . Quòd, quando, factò discursu per puncta prædicta circa extrema, quæ sunt materia electionis, repererit, æque illa conducere ad maiorem gloriam Dei, & animæ suæ bonum, tunc est occasio reducendi ad praxim vltimum perfectionis gradum, de quo fuit sermo in puncto quarto Exercitij præcedentis : eligendo videlicet illud extremum, quod sensualitati fuerit magis oppositum, & pœnale, ad meliùs imitandum Christum D.

Tertiò est monendus . Ad fortificandum propositum electionis factæ, & vincendas novas difficultates, quæ secum solet afferre rei electæ executio, magnopere iuuare considerationem victoriarum Christi D. in suâ sacrâ Passione . Propter quod S. Ignatius, conclusâ cum hoc Exercitio secundâ Hebdomada, tertiam totam impendit in sacrâ Passione, singulisque eius partibus meditandis .


Quartò est monendus . Vt semel facta electione iuxta præscriptas regulas, nullatenus illam immutet, præsertim in tempore desolationis, hoc est, cùm se interiùs sentit turbatus, aut inquietus aliqua tentatione, aut passione, quæ internam obscuritatem affert; aliquâ ve ad res terrenas inclinatione, seu affectione. Quia tunc non est tempus idoneum ad alterandam electionem rectè factam . Cæterùm, si, transactaurbatione, recuperataque interna tranquillitate, animæ, nouæ circumstantiæ tales occurrerint,

vt

vt videatur necessarium iterum circa rem electam deliberare, tunc denuò noua electio poterit fieri iuxta præscriptas regulas.

Tandem est aduertendum. Cum res electa eiusmodi est, vt ad suam exequutionem exigat tempus successiuum; opportunum tunc fore vsum Examinis particularis, vt melius, & citius id, quod intenditur, executioni mandetur, & obtineatur.





Pass. ē, uobis reliq̃ns exēplū, ut sequam: uestigia ei

EXERCITIVM VII.

De Passione Christi D.N.

Nihil est, quod magis animat strenuum militem in prælio, quàm videre victorias, quas suus Dux reportat in illo. Quare, reducendo ad hoc Exercitium omnia, quæ in tertia Hebdomada posuit S. Ignatius, monstrabimus Exercenti se (parato iam per Exercitia, facta in secunda Hebdomada ad sequendum Christum in hac expugnatione Regni Cœlestis) illustres victorias, quas tempore suæ sacræ Passionis hic noster Rex, & Dux reportavit de tribus illis inimicis, contra quos hoc bellum venit gerendum. Vincens nimirum nostrum appetitum applausus, æstimationis, & honoris summa sua derelictione, inhonoratione, & ignominia: & nostrum appetitum delectationum, & voluptatum suis summis doloribus.

Oratio præparatoria erit solita. Compositio loci. Aspicere Christum D. N. confixum Cruci. Petitio. Postulare ab ipso gratiam congruam ad imitandas suas victorias in hac spirituali palestra.

Primum punctum erit. Considerare paupertatem, quam Christus D. N. passus est tempore suæ sacræ passionis. Quæ tam extrema fuit, ut cuncta generaliter ipsi defuerint. Quandoquidem nec habuit lectum, in quo moreretur;

tur; nec vas aquæ, qua sitis eius mitigaretur; nec aliud quidpiam ad se in agonia mortis refrigerandum præter cum felle mixtum acetum. Et cum perfecta paupertas testante Paulo, sit, habere dumtaxat alimenta, & quibus tegamur: ille, qui, cum esset Dominus omnium, pauper pro nobis factus est, ulterius eam perficit, non habens neque, quo tegeretur, neque quo vel sitim sedaret. Cum item ita sit, ut qui moritur, ius habet ad aliquod sepulchrum, cadauerisque operimentum; & ad disponendum pro arbitrio suo de rebus, quas habet: vel his etiam caruit Dominus N. Siquidem sepultus est in sepulchro alieno, opertusque sindone per modum eleemosynæ data; nec de vestibus, quibus utebatur, & quas solas habebat, disponere potuit pro arbitrio suo; sed eis spoliatus vidit ipsas inter milites pro eorum beneplacito diuidi. O in omnibus, & o maium Ditissime! Quam extrema cum paupertate vicisti nostram diuitiarum cupidinem.

In secundo puncto est ponderandum. Quomodo Christus D. tempore suæ passionis adeo fuit ab omnibus etiam amicis, cognatis, & notis derelictus, ut potuerit dicere per Prophetam. Considerabam ad dexteram, & videbam, & non erat, qui cognosceret me. Tantoque casus iste fuit sensibilior; quanto è loco fuit sublimiori. Cum enim eousque communiter fuisset æstimatus ut Sanctus; Veneratus ut ma-

gnus

gnus Propheta; auditus vt Prædicator, & Magister insignis; trahens vbique post se Populum sequentem ipsum in Ciuitate, in Templo, in Synagogis, in Castellis, in terra, & in mari; magnificatus ob tot sua, tamque illustria miracula; dilectus ob beneficia, quæ passim largiebatur. Totum hoc subitò commutatum est in contemptum, ignominiam, infamiam, & odium.

Nam sui Nationales procurauerunt illi mortem cum summa iniustitia. Gentiles Romani cum crudelitate summa exequuti sunt. Sacerdotes, & Litterati erant velut fermentum, quo tota Populi massa exacerbata contra Saluatorem euasit. Principes sufflabant ignem, & in Popularibus talis flamma excitata est, qualis tanto iniuriarum, dolorumque diluuiò extingui non potuit. Vel in suis, qui scholam eius fuerant sequuti, fidelitatem firmam non reperiuit. Nam ex duodecim, quos Apostolos elegerat, alius vendidit, alius negauit, & omnes dereliquerunt eum. Sola ipsius Mater non dereliquit; sed neque iuuare potuit, neque defendere; potiùs augebat eius dolores præsentia suà. Pater autem æternus, qui potuit; noluit pro tunc. Quod eius inimici exprobrabant. Quodque ipsum coegit ad exclamandum. Deus meus, Deus meus, vt quid dereliquisti me? Sic vicit Christus nostrum appetitum inordinatū applausus, & æstimationis humanæ.

Tertium punctum. Inhonoratio, & ignominia Saluatoris in sua passione fuit summa. Creuit enim ex parte suæ Personæ, quæ erat veri Dei; & in quantum homo eò magis sentiebat suas iniurias, quò generosioris cordis erat. Creuit ex parte altitudinis æstimationis, ad quam ascenderat, cadens ex illa in profundiore extremitate despectus, ac contemptus. Nam Populus, qui tanti eum faciebat, tamque auidè sequebatur, videns ipsum à Principibus, & Magistratibus adeò contumeliosè captum, mox (vti solet accidere) sese deceptum in eo honorando reputauit. Omnesque veluti infamati, quòd tantum honorem homini fraudolento detulerant, nouis iniuriarum inuentis errorem emendare curabant.

Creuit ex parte personarum, quæ inhonorarunt eum. Nam Litterati, & Seniores, Pontifices, & Sacerdotes, Magistratus, & Iudices; in quibus ob suam eminentem authoritatem in litteris, & religione minus præsumi poterat aut ignorantia, aut iniustitia. Hi fuerunt, qui post multam considerationem, atque consultationem causaque in Concilio examinata, pronuntiarent illum reum mortis. Quam totus Populus petiuit à Præside, & extorsit cum violentia populari. Militesque Gentiles, gens sine Deo, abiecta, & vilis, fuerunt carnifices, qui executioni mandarunt, iniicientes in Regem Gloriæ manus, & linguas absque vllò respectu,

&

& pudore . Ad quod accedit , fuisse eum ab vno
suorum discipulorum venditum , ab alio nega-
tum , & à cæteris derelictum . Quorum vnum
quodque suo modo ipsius ignominiam fecit gra-
uiorem .

Creuit & hæc ex parte delictorum , de qui-
bus accusatus est , quæ multa fuerunt , & gra-
uissima . Nimirum . Quòd erat blasphemus in
Deum , cuius se Filium , atque adeò æqualem
iactabat . Quòd erat proditor in Reges , quo-
rum titulum , & dignitatem sibi vsurpabat ; ve-
tabatque , ne soluerentur illis tributa . Quòd
erat impostor , ac perturbator Populi , trahens
post se illum inquietum , congregans scholam ,
& spargens doctrinam nouam , & perniciosam ,
discurrendo de loco in locum absque vllò fixo
domicilio . Quòd erat magus , & incantator ,
qui falsis miraculis arte Dæmonis factis Popu-
lum ipsum tenebat deceptum , & illusum . Cri-
mina cuncta enormia , & odiosa , & quæ alia
supponebant .

Creuit denique inhonoratio Christi ex par-
te rerum , quas præstiterunt in ipsum , refertas
omnes dolore simul , & ignominia . Primùm
enim prendiderunt eum noctu , & in agro , & ar-
mati militis cum tumultu . Traxerunt per Ci-
uitatem ligatum cum dedecore . Sicque stite-
runt Concilio . Vbi eius causa examinata est
cum violentia . Et seruus Pontificis coram ip-
so impudenter ei iniuriam linguâ ; & manu ala-
pam

pam impegit . Qui custodierunt illa nocte
 totam in eo vexando , atque inhonorando ex-
 penderunt . Nam velabant faciem eius , & con-
 spuebant , & colaphis percutiebant ; & dicebant
 prophetiza , quis est , qui te percussit , multisque
 alijs modis ei illudebant . Mane autem facto
 ad mortem damnatum à Tribunali in Tribunal
 ignominiosè traduxerunt . Apud Herodem
 veste indutus ludibrio habitus est tanquam fa-
 tuus . Et apud Pilatum veste nudatus dirè fla-
 gellatus est tanquam fur . Cohors Gentilium
 coronatum spinis , vt regem fictitium adorauit .
 Et Populus Iudæorum , vt Regem verum non
 admissum abominatus est . Factaque illius cum
 Baràba comparatione , sediciosum homicidam
 vità donauit : & pacis , ac vitæ Auctorem ma-
 gnis clamoribus postulauit ad mortem . Dam-
 nauit demum Pilatus ad crucifigendum : ge-
 nusque mortis tunc valde infame baiulatu pu-
 blico crucis , & comitatu latronum longè infamius effectum est . Denique nudus , & cruci con-
 fixus in loco Caluariæ exaltatus est coram innu-
 mera hominum multitudine , qui ad Paschæ ce-
 lebritatem concurrerant . Et , quasi omnia hæc
 non sufficerent , ibi eum iam moribundum mul-
 tiformiter blasphemabant : eique delicta non
 facta ab ipso , sed à se conficta exprobrabant .
 O honorator , & honor hominum ! Quis te sic
 propter eos inhonorauit ? O cæcitas Christia-
 norum ! Qui sese iactantes de Fide sua , toti sunt
 in

in æstimandis, atque procurandis honoribus.

Quartum punctum erit de doloribus, quos

Christus Rex noster in sua Passione passus est -

Totque fuerunt, ac tanti, vt bene potuerit Pro-

pheta dicere. Quod à planta pedis vsque ad ver-

ticem non erat in eo sanitas. Et quod plaga-

tus totus, quasi leprosus speciem, decorem, &

aspectum, quo cognosceretur, amiserat. Erant

scapulæ, & reliquæ corporis partes flagellis la-

ceræ. Humeri contusi pondere Crucis. Pe-

ctoris ossa loco seiuncta præ nimia distensione.

Caput spinis perforatum. Capilli capitis, &

barbæ auulsi. Genæ colaphis denigratæ. Os

sitibundum, & lingua à contactu fellis amara.

Exangues venæ: Brachia, & crura adeò disten-

ta, vt corporis ossa possent dinumerari. Ma-

nus, & pedes terebrata clauibus, è quibus pen-

dens integrum corpus per suamet vulnera,

continuò magis, & magis illa aperiebat ponde-

re suo. Cor summa afflictione transfixus. Ac

demum totus homo ita doloribus, & afflictioni-

bus affectus, vt absque vlllo mortali vulnere,

efflauerit animam. O Deus impassibilis! Quàm

longè ab imitatione tua currit, qui post suas de-

lectationes, atque delitias currit.

Hoc modo ad expugnandum nobis Re-

gnum Cælorum Rex noster militauit contra

eos tres inimicos, qui nobis inferunt bellum,

ne intremus in illud: tres scilicet nostros inordi-

natos appetitus diuitiarum, honorum, & deli-

tia-

tiarum . Et hoc modo ad eius imitationem nos quoque contra eos militare debemus , si volumus strenuorum militum leges implere , & ex victoriæ fructibus nostram partem habere .

Ne tamen nos debilitas nostra retardet ad aggrediendum imitationem eius , quem scimus , esse Fortitudinem Dei . Ponamus oculos mentis in tot hominibus Sanctis tum Confessoribus , tum Martyribus , quot fuerunt in Ecclesia , debilibus sicuti nos . Et nihilominus in hac spiritali militia strenuissimis imitatoribus sui Regis , cum adiutorio gratiæ eius . Consideremus eorum ægregia facinora , Et , siquidem illi nec fuerunt alterius naturæ à nostra , nec habuerunt alterum Deum à nostro (qui semper est idem) in sua gratia conferenda liberaliorem : properemus , resumpto spiritu in ipsorum imitationem ; vt sicut illi triumpharunt , & nos triumphemus .

Itaque , & nos inquit Apostolus tantam habentes impositam nubem testium , qui nos intuentur , & suis exemplis animant , ad præliandum , deponentes omne pondus , & circumstans nos peccatum , per patientiam curramus ad propositum nobis certamen : aspicientes in Auctorem Fidei , & consummatorem Iesum : qui , proposito sibi gaudio , sustinuit crucem confusione contempta : atque in dextera sedis Dei sedet . Vt nobis omnibus persuaderet exemplo suo , præterquam Fide verbi sui . Quod si media mor-

tifi-

tificatione cum ipso commortui sumus, & con-
uiuemus. Et, si media lucta incommoda huius
certaminis cum ipso sustinebimus, & conre-
gnabimus, (vt contestatur ipse Apostolus.) Et non
aliter. Finem imponat Colloquium, quo ab
eodem nostro summo Rege petamus perfe-
ctam ipsius imitationem. Pater noster.

Hoc Exercitium virtute continet

omnia quæ S. Ignatius po-
suit in tertia Hebdo-
mada.





QVIS NOS SEPARABIT. Rem. viii.

EXERCITIVM VIII.

De Amore Dei.

Hoc est vltimum Exercitium quartæ Hebdomadæ S. Ignatij. Ad quod per illius residuum disponit Sanctus Meditationibus Myfteriornm Resurrectionis Christi D. Fructus autem per illud intentus, qui est Amor Dei perfectus, finis est omnium Exercitiorum, & totius vitæ spiritualis.

Ante, quàm illud ingrediatur, supponit Sanctus duo principia certa. Primum est. Amorem non in verbis, sed in operibus consistere. Iuxta illud S. Ioannis in sua prima Epistola, Filii mei non diligamus verbo, neque lingua, sed opere, & veritate. Quò etiam spectat illud Christi D. in suo Euangelio. si diligitis me, mandata mea seruare. Et rursus illud. Qui habet mandata mea, & seruat ea ille est, qui diligit me.

Secundum principium est. Opera in quibus consistit amor, esse communicationis bonorum, quæ amans amato communicat ex ijs, quæ habet. Vt si habet scientiam, honores, diuitias, aut alia bona, illa suo amato communicat in quantum potest. Itaque amor verus præcipuè consistit in communicatione, qua amans amato sua bona communicat.

Posiunt etiam supponi tanquam principia

pia ad vim præbendam discursibus huius Exercitij illud Prouerbiorum 22. Qui dat munera, animam aufert accipientium: & proueria illa vulgaria. Munera confringunt saxa. Amor amoris magnes est. Amor nullo alio pretio soluitur, quam amore.

His positis. Oratio præparatoria erit solita. Compositio loci. Considerare me coram Deo erga me benigno, ac beneuolo: & coram omnibus Beatis pro me interpellantibus. Petitio. Postulare à Deo claram cognitionem tum magnitudinis beneficiorum mihi factorum, tum infinitæ bonitatis benefactoris, vt propter illa, & propter ipsum tantum eum amem, quantum à me amabilis est.

In primo puncto ad memoriam traham beneficia mihi facta à Deo. Nimirum beneficium Creationis. Ad quod pertinet totum esse animæ, & corporis cum omnibus suis partibus. & membris, potentijs, & sensibus. Beneficium Conseruationis. Ad quod pertinet influxus continuatus Omnipotentia diuinæ, & cætera cuncta bona naturæ intrinseca, & extrinseca ad meam conseruationem ordinata, & quoquomodo concurrentia. Beneficium Redemptionis. Ad quod pertinent Aduentus Filij Dei in Mundum, & omnia, quæ pro hominibus fecit, & passus est in carne mortali. Sacramenta, quæ instituit. Auxilia gratiæ, quæ nobis comparauit, Et cætera dona supernaturalia

ralia communia, quæ nobis sunt data. Beneficia denique omnia particularia, quæ mihi particulatim contulit Deus: quæ, si benè considero, innumerabilia esse reperiam, vnà cum aliorum malis, à quibus me liberauit: quo titulo mea etiam sunt beneficia. Accedit desiderium infinitum, quod Deus habet, dandi se ipsum mihi in Gloria cum alijs ineffabilibus bonis per integram æternitatem.

Ponderabo excellentiam Datoris: multitudinem, ac magnitudinem beneficiorum: intensiorem infinitam amoris, à quo illa manarunt: idque quàm liberaliter, & sine vllo interesse proprio! quàm gratuitò, & sine vllo merito meo! mouente sola Dei bonitate, communicatiua sui infinitè. Vtensque principijs suppositis, concludam. Si amor consistit in operibus, & in communicatione bonorum, amantis erga amatum. Quantus est amor, quo Deus me amat: si quidem tanta pro me operatus est, & operatur, & desiderat operari: tantaque mihi communicauit, & commiccat, & desiderat communicare? Et, si amoris præteritum est amor. Quo amore debeo illi correspondere, ipsi communicando, & tradendo totum, quod sum, quod habeo, & quod possum: maximè, cum nihil ei dare possim, quod iam suum non sit? Et, si munera rapiunt corda, saxaque confringunt. O rebelle cor meum! quomodò te rapi non sinis tot Dei muneribus?

O durius adamante ! Quomodo tot donorum
ictus non sentis ? Quomodo tanto amoris igne
durities tua non mollescit ?

Hic ob malam meam correspondentiam,
pudore correptus eam satagam emendare. Con-
uersusque ad Deum prompto, ac feruente affe-
ctu me totum, & omnia mea offeram ipsi, dicens.
Accipe Domine totam meam libertatem, me-
moriam, intellectum, & vniuersè quidquid sum,
& quidquid possum. Omnia à te mihi tradita
sunt : omnia tibi reddo, vt de omnibus omnino
disponas iuxta tuam sanctissimam Voluntatem.
Da mihi tui amorem, & gratiam; quia hoc mi-
hi sufficit.

Secundum punctum erit. Considerare,
quomodo Deus habitat in omnibus creaturis.
In elementis dando eis viuere in arboribus dan-
do eis viuere : in animalibus, dando eis senti-
re : & in hominibus, dando eis præterea intelli-
gere : atque ita in me, dando mihi esse, viue-
re, sentire, & intelligere. Et insuper, vt in
templo suo ad suam similitudinem facto ; orna-
toque supernaturalibus donis. Quibus creditur,
amatur, veneratur, & colitur. Ponderabo, dis-
curram, & concludam, sicuti in puncto præ-
cedente.

Addendo considerationem de modo, quo
Deus dedit, & dat mihi sua dona, non mitten-
do illa ad me per tertiam personam, (vti face-
ret Rex terrenus respectu cuiusvis sui subditi,
quan-

quantumuis dilecti) sed veluti adferendo illa, in domum meam per se ipsum : qualiter se etiam gerit cum bonis, quæ confert ad seruitium meum cæteris creaturis. Quæ est admirabilis dignatio. Vnde inferam, me quoque pariter debere ipsi correspondere : reddendo, ac impendendo in obsequio suo cum magno amoris affectu totum, quod sum, possum, & habeo, non vtrumque, sed coram ipso cum iugi memoria suæ præsentia; atque ita seruiendo ipsi in præsentia sua. Qui est altior gradus amoris Dei, & æstimabilior, & promptior ad eius voluntatem implendam. Quemadmodum altius est, & æstimabilius seruitium, quod Regi terreno præstatur in eius præsentia, aptiusque ad cognoscendam, & implendam voluntatem eius, quam, quod præstatur in absentia.

Tertium punctum erit. Considerare, quomodo Deus laborat (hoc est se gerit, ac si laboraret) in omnibus creaturis. In Cœlis, elementis, arboribus, animalibus, fructibus, &c & in me ipso. Scilicet conseruando cuncta, & immediate concurrendo cum singulis ad omnes eorum motus, & actiones viuendi, sentiendi, intelligendi, & cæteras. In ipso enim viuimus, mouemur, & sumus, vt dicit Apostolus. Discurrant, & me offerant, vt supra.

Ponderando insuper hic ineffabilem dignationem Dei. Qui non solum conseruat me, & adiuuat me per se immediate ad omnes

meas operationes, sed etiam ad seruitium,
 meum conseruat cæteras creaturas; &, quod
 plus est, & mirabilius, illas per se immediatè
 adiuuat ad mihi seruiendum. Quid diceremus
 de amore Regis erga suam sponsam, qui eum
 obligaret, non solum ad procurandum, & su-
 stentandum pro illius seruitio omne seruorum
 genus, sed etiam ad cooperandum per se cum
 eorum singulis in omnibus pertinentibus ad
 seruitium ipsius Reginae? O amor Dei erga me,
 qui ad tanto maiora, & plura obligat ipsum!
 Curabo ei correspondens ascendere ad tertium
 gradum Charitatis, qui cum præsentia, & amo-
 re Dei iungit exactam executionem omnium,
 quæ ei placent: quin labor externus impediat ta-
 lem præsentiam, & amorem, internæque quie-
 tem, & pacem, quam secum ferunt. Quod obti-
 netur, reducendo cuncta ad solum vnum: quod
 est Deo placere.

Quartum punctum erit Considerare, quo-
 modò omnia bona creata descendunt ab in-
 creatis. Vt mea potentia limitata à summa, &
 infinita potentia Dei; & idem est de sapientia,
 bonitate, iustitia, misericordia, &c. sicuti à
 Sole descendunt luminis radij, à Fonte riui
 aquarum, &c. Vnde aperitur nobis via ad af-
 cendendum per perfectiones creatas ad Diui-
 nas, vbi illæ sunt cum præstantiâ infinitâ.
 Proindeque latè discurram considerando, Ma-
 gnitudinem Essentiæ Dei, eius Indepeduen-
 tiam,

tiam; Æternitatem. & cætera Attributa, Bonitatem, Pulchritudinem, Sapientiam; Omnipotentiam, Immensitatem, Misericordiam, Iustitiam, Liberalitatem, &c. Ponderando in vnoquoque seorsim eius conditiones, & proprietates. Vnde transibo ad quartum, & perfectissimum gradum amoris Dei. Quo amatur propter se ipsum, vt summum Bonum claudens in se omnia bona. Ita quod, qui sic amat, nihil iam inuenit, quod amet, nisi Deum; propter quem solum, & vnicè amat, quidquid aliud amat, Terminum imponam Colloquio, quo ardente cordis affectu petam à Deo, vt præbeat mihi lucem claram ad cognoscendam suam infinitam Bonitatem, & gratiam efficacem ad eam semper, & vnicè perfectissimè amandam, adimplendo semper in omnibus, & perfectissimè suam sanctissimam, ac perfectissimam voluntatem. Pater noster.

A D M O N I T I O.

Via ad Salutem æternam, & ad Perfectiorem Christianam, quam S. Ignatius nos docet in his Exercitijs, eadem est, quam Christus Dominus nos docuit suis verbis, & exemplis. Atque ita vnica est via vera, & secunda. Etenim in prima Hebdomada docet nos Sanctus exire per pænitentiam à peccatis, cum efficaci proposito nunquam ad illa redeundi.

Cum

Cum quibus , quando grauiasunt , Salus æterna componi nequit . In secunda autem , & tertia Hebdomada docet nos , quomodo sequentes Christum ad perfectionem Christianam debemus tendere , pugnando contra appetitus nostros Diuitiarum , Honorum , & Voluptatum , quæ sunt obstacula impediencia , ne consequamur illam . Nam , vt ait S. Augustinus , eiusmodi appetitus sunt Venena Charitatis ; (in cuius perfectione consistit Christiana perfectio) . Er quo passu illi minuuntur , Charitas crescit . Eisque victis , & superatis , mox anima obtinet , ac possidet perfectam Charitatem . Ad quam consequenter nos ducit S. Ignatius in quarta Hebdomada tanquam ad rem , quæ connaturaliter sequitur ex illa victoria . Quoniam nostra Anima , semel auulsa à Terra , connaturaliter volat in Cœlum ad se Deo per amorem vniendam tanquam centro suo . Sed quoniam pugna contra tres dictos Apetitus per eorum abnegationem faciendam sine iuuamine Orationis non potest fieri : pariter nos docet S. Ignatius , hanc esse debere illam communem , & ordinariam , & omnibus facilem , quam principio explicauimus ; quæ & secuta in se , & in nostra libertate posita est . Nam altera oratio contemplatiua , & extraordinaria , ad quam Deus aliquos Sanctos eleuat medijs extraordinarijs illustrationibus , visionibus , & reuelationibus , nec est adeò secuta , cum soleat à Dæmone confin-
gi,

gi, nec est in potestate nostra, aut eam industria nostra possumus comparare. Quocirca S. Ignatius, etsi fuerit vnus è Sanctis, qui in altiori gradu eam habuerunt communicatam à Deo, ne verbum quidem de ea loquitur in his Exercitijs. Per regulas tamen ab ipso traditas discerni poterit in Anima, qui eam habuerit, an sit donum à bono Spiritu proueniens, an fraus intrusa à malo.

Hoc supposito. Ego iterum Fidelibus omnibus consulo, vt, si piè viuere, & suam æternam salutem obtinere, aut etiam ad Perfectionem Christianam tendere cupiunt, his Exercitijs faciendis quotannis se dedant, siue vtendo viuo Instructore, siue loco illius hoc libello. Quocasu, si cui occurrerit dubium aliquod, aliquem circa illud Confessarium pium, & doctum consulere poterit. Statuatque certò quicumque hæc Exercitia fecerit, quòd nunquam se poenitebit illa fecisse.


L A V S D E O.



ORA-

ORATIO AD CHRISTVM DOMINVM.

Anima Christi sanctifica me. Corpus Christi salua me. Sanguis Christi inebria me. Aqua lateris Christi laua me. Passio Christi conforta me. O bone Iesu exaudi me. Iutra tua vulnera absconde me. Ne permittas me separari à te. Ab hoste maligno defende me. In hora mortis meæ voca me. Et iube, me venire ad te, vt cum Sanctis tuis laudem te in sæcula sæculorum. Amen.




Reimprimatur si videbitur Reuerendiss. Patri Mag. Sac. Pal. Apost.

Sperellus Episc. Interamnen. Vicesg.

Reimprimatur.

Fr. Ioseph Maria Berti Reuerendiss. Patris
Fr. Thomæ Mariæ Ferrarij Sacr. Apost.
Pal. Mag. Socius Ord. Præd.



M. R.
117.96

SPECIAL

88B
16900

THE GETTY CENTER
LIBRARY

